

Naqqiut

Siunnersuut 11. august 2023-meersumut taarsiut

(Inatsisitigut periutsit atorlugit misissorneqarnerata kingorna aamma kukkunersiuinikkut naqqiisoqarpoq, kiisalu kingunerisaattut iluarsiiisoqarluni.)

Siunnersuummut nassuiaatit

Nassuiaatit nalinginnaasut**Aallaqqaasiut**

Siunnersuut pasinapiluttumik kalerriisunik illersuiffiusumik pasinapiluttumik kalerriisut pillugit inatsisissatut Naalakkersuisut siunnersuummik suliaqarnissaannik saqqummiinissaanillu suliallu taassuma aalajangiiffigisassatut matuma akuerineqarnerata kinguninngua Naalakkersuisut aallartitsinissamik peqquneqarnissaannik Inatsisartut aalajangiinerat tunngavigalugu suliarineqarpoq UKA 2022-mi immikkoortoq 35.

Siunnersuut inatsisinik atuuttunik unioqqutitsinernik kikkut tamarmik isumannaatsumik toqqissisimanartumillu nalunaaruteqarnissaannik tunngaveqarpoq. Sulisitsisoq tunuarsimaassanngilaq pineqartorlu nalunaaruteqassanersoq pillugu isumaliutimini pillaammik akiniuteqartoqassanersoq annilaangassutigissanagu.

Inatsisinut Ataatsimiititaliap suliarinninnerani Naalakkersuisut inuit EU-mi inatsisinik unioqqutitsinernik nalunaaruteqartut illersorneqarnerat pillugu EU-mi malitassaq 2019/1937 23. oktober, 2019-imeersoq aamma pasinapiluttumik kalerriisunik illersuineq pillugu Danmarkimi inatsit nr. 1436 29. juni 2021-meersoq aallaavigeqqullugit aamma Savalimmiuni Islandimi immikkoortumut inatsisit isumassarsiorfigeqqullugit kaammattorneqarput. Naalakkersuisut aamma Namminersorlutik Oqartussani aaqqissuussineq atuutereersoq isummerfigaat, tassanngaaniillu, tassunga ilanngullugit aaqqissuussineq taanna pillugu isornartorsiutaanikkuusut isumassarsiorlutik.

UKA 2022-mi taaguutip whistleblowerip nutserneqarnissaannik Oqaasiliortut attavigineqassasut Inatsisinut ataatsimiititaliap Naalakkersuisut kaammattorpai. Tamanna tunngavigalugu Naalakkersuisut Oqaasiliortut attavigaat, Oqaasiliortullu aalajangiipput, whistleblower, pasinapiluttumik kalerriisoq, whistleblowing, pasinapiluttumik kalerriineq aammalu whistleblowerordning, pasinapiluttoqarneranik kalerriisoqarsinnaatitsineq, nutserneqassasut akuersissutigineqarluni. Taaguutit taakku manna inatsisissatut siunnersuummi atorneqassapput.

Naalakkersuisut Transparency International Greenland (TIG) inatsimmik suliaqarnermut atatillugu siunersiorpaat.

Siunnersuummi pingasunik pingaarnernik siunertaqartoqarpoq. Siulleq tassaavoq namminersortuni pisortaniluunniit sulineq apeqqutaatinnagu pasinapiluttoqarneranik kalerriisoqarsinnaatitsinermut nalunaaruteqarnermut ataatsimut sinaakkusiorneq. Siunertap aappaa tassaavoq sulisitsisut inunnik pasinapiluttoqarneranik kalerriisoqarsinnaatitsinermut nalunaarutiginnittunik soraarsitsisut, nuutsitsisut suliassaannilluunniit allannguisut uppersaasiornissaannut malittarisassaq annertusisaaq atuutissasoq. Naggasiullugu inuit nalunaaruteqartut tamassumalu kingorna pillaatit akiniarneqartut pissutsit nunatsinni suliffeqarnermi atuuttut mianeralugit naleqquttumik taarsiivigineqarnissaat siunnersuummi isumagineqassasoq.

Nalunaaruteqarnermut ataatsimut sinaakkuteqarneq kinguneqarpoq, pisortani namminersortunilu sulisitsisut tamarmik 30-t sinnerlugit sulisoqartut avataani pasinapiluttoqarneranik kalerriisoqarsinnaatitsinermut pilersitsissasut. Avataani pasinapiluttoqarneranik kalerriisoqarsinnaatitsinermi kinguneqarpoq, aqqissuussineq suliffeqarfiup immikkuualuttut pillugit akuliuffissarinngisaanik avataani suleqatigisamit aqunneqassasoq taannalu aalajangiisassasoq. Suliffeqarfiit aningaasartuutit ikilisinnissaat siunertaralugu ataatsimut nalunaaruteqartarfiliorsinnaapput. Suliffeqarfiit namminersortut tamarmik tassunga atugassamik suliffeqarfimmi inummit immikkoortortamilluunniit aqunneqartumik aalajangiiffiusartumillu suliffimmi pasinapiluttoqarneranik kalerriisoqarsinnaatitsinermik pilersitsisinnaapput. Suliffimmi pasinapiluttoqarneranik kalerriisoqarsinnaatitsineq tassaavoq suliffeqarfiit pasinapiluttumik kalerriisut nalunaarutaasa aallartinneranni iliuuseqarfiginissaanik soqutigisaqarsinnaanerat tunngaviuvoq.

Inuussutissarsiutinut aalajangersimasunut ilaatigut aningaasaqarnermik inuussutissarsiutinut pasinapiluttoqarneranik kalerriisoqarsinnaatitsineq pillugu inatsiseqareerpoq. Siunnersuut taakkununga tunngatillugu ilassutaassaaq.

2. Siunnersuummi immikkoortut pingaarnertit

Inatsisartut inatsisaat inatsisinik annertuumik pissutsinillu mianernartunik allanik unioqqutitsinernut atuuttoq siunnersuummi aalajangersarneqarpoq. Inatsisartut inatsisaat suliffimmi avataanilu aqqissuussinernut nalunaaruteqarnermut aamma pasinapiluttumik kalerriisup paasissutissanik tamanut saqqummiussinerani atorneqarsinnaavoq.

Pisortani namminersortunilu sulisitsisut tamarmik 30-t sinnerlugit sulisoqartut pasinapiluttoqarneranik kalerriisoqarsinnaatitsinermik pilersitsissapput.

Pasinapiluttoqarneranik kalerriisoqarsinnaatitsinermik pilersitsisussaatitaanermut ilaatinneqartut aaqqissuussinermi suliasanik suliarinnittussamik avataani suleqatigisat pingajuannut aallaaviusumik isumaqatigiissuteqassapput.

Suliffeqarfiit namminersortut tamatuma saniatigut suliffimmi pasinapiluttoqarneranik kalerriisoqarsinnaatitsinermut pilersitsisinnaapput.

Sulisitsisut suliffimmi avataanilu aaqqissuussinerni pasinapiluttoqarneranik kalerriisoqarsinnaatitsinermut qanoq nalunaaruteqartoqarsinnaanera pillugu sulisunut ilisimatitsissapput, aamma sulisitsisut immaqalu avataani suleqatit pingajuata pasinapiluttumik kalerriisup kinaanerata isertuunneqarnissaa qulakkiissavaat. Suliffeqarfissuaqarnermik aaqqissuussinermi suliffeqarfiit namminersortut ataaatsimut aaqqissuussineq atorsinnaavaat. Suliffeqarfiit namminersortut suliffimmi pasinapiluttoqarneranik kalerriisoqarsinnaatitsinermik isumalluutinik suliffeqarfinnik namminersortunik allanik avitseqateqarsinnaapput.

Suliffeqarfiit namminersortut tamarmik – sulisut amerlassusaat apeqqutaatinnagu - immikkoortortaqarfimmit inummilluunniit suliffeqarfimmi namminermi suliaqartoqarlutik pasinapiluttoqarneranik kalerriisoqarsinnaatitsinermut pilersitsisinnaapput. Suliffimmi pasinapiluttoqarneranik kalerriisoqarsinnaatitsinermi siunertaq tassaavoq suliffeqarfiit suliassanik ajornangitsumik sukkasuumillu suliaqarfiusartumik immaqalu suliart ajortumik annertusiartunnginneranni aallartinneranni suliaqarfiusartussamik aaqqissuussinissamut periarfissaqarnissaat.

Pasinapiluttoqarneranik kalerriisarnermik aaqqissuussinermut atatillugu, pasinapiluttoqarneranik kalerriutigineqartuni sulianut atatillugu suliap ingerlanneqarneranut killissanik nassuiaasunik immikkut piffissamik killiliisoqarpoq. Piffissaliussanut malittarisassat tassaapput nalunaarutip tiganeramik uppersaanissamut ullut arfineq marluk suliallu suliarineqarnissaannut qaammatit pingasut. Taakku malinneqanngippata pasinapiluttumik kalerriisup tamanna Naalackersuisunut maalaarutigisinnavaa. Naalackersuisut naliliippata qaangiinermut suliap suunera imarisaalu kisimik pissutaanngitsut, Naalackersuisut alla avataanilu suleqatit pingajuat suliassamik suliarinninnissamut akisussaasusaaq toqqarsinnaavaat. Suliap suliarineqarnerani aningaasartuutit sulisitsisup akilissavai. Sulisitsisoq akiliisarnermik unitsitsisoq allamilluunniit pissuteqarluni aningaasartuutit akilersinnaanngippagit taakku Nunatta Karsianit akilerneqassapput.

Siunnersuut sulisitsisoq pasinapiluttumik kalerriisutut nalunaarutiginnittumik allamut nuussisoq suliassanilluunniit annertuumik allannguisoq annertusisamik uppersaanissaanut malittarisassanik imaqarpoq. Tassa sulisitsisoq pasinapiluttumik kalerriisumik soraarsitsinermut, allamut nuussinermut suliassanilluunniit annertuumik allannguissamut immikkut pissuteqartuussaaq, taamaanngippat taamatut iliorneq pasinapiluttumik kalerriisup nalunaaruteqarneranik pissuteqartoq isumaqarfigineqarsinnaammat.

Pasinapiluttumik kalerriisup pasinapiluttumik kalerriisutut nalunaaruteqartoq soraarsinneqarpat imaluunniit pillaatit akiniarneqarpat sulisoq najugaqarfimmini imaluunniit suliffeqarfiup inuussutissarsiutit immikkoortuata assingani killeqartumi nutaamik suliffissarinissaq ajornartittorujussuusinnaavaa. Taamaammat siunnersuutigineqarpoq pasinapiluttumik kalerriisup pasinapiluttumik kalerriisutut nalunaaruteqarneranik uppersarneqarsinnaasumik pissuteqartumik pillaatit akiniarneqartoq malunnartumik annertuumik taarsiivigineqassasoq. Nunatsinni suliffeqarfiit mikisut amerlasuut pasinapiluttumik kalerriisup kinaanerata isertuunneqarnissaata qulakkeernissaa amerlasuutigut ajornakusoortissinnaavaat. Taamaammat imaasinnaavoq tamanna pasinapiluttumik kalerriisumut siullermik suliffimmi tullianilu najukkami ajornerpaaffianiluunniit nunami tamarmi ajortunik kinguneqartoq. Pasinapiluttumik kalerriisup annertuumik pisoqartillugu ilaquuttanilu najugaqarfimminiit immaqa nuuttariaqalersinnaapput.

Siunnersuummi pasinapiluttumik kalerriisup kinaanerata illersorneqarnissaata iliuseqarfiginissaanut aalajangersakkat ilanngunneqarput. Malittarisassalli taakku kinaanerup isertuunneqarnissaata qulakkeernissanut qulakkeerutaanngillat qulakkeerutaasinnaanatillu.

Naalackersuisut avataani pasinapiluttumik kalerriisut pillugit suliat pillugit pissarsisinnaanerat Inatsisartut inatsisaanni ilanngunneqarpoq. Taanna paasissutissat inatsisip atornerani aaqqiinissanik annertusaanissanillu pisariaqartitsisoqarneranik nalilersuinermi ilanngunneqarsinnaasut qulakkeernissaannut atorneqassaaq.

3. Pisortanut aningaasatigut allaffissornermullu kingunissai

Missingerneqarpoq siunnersuutip Namminersorlutik Oqartussanut aningaasatigut kingunissai ukiumut 1. mio. kruunit missaaniissasut. Namminersorerullutik Oqartussat avataani suleqatigisamut isumaqatigiissusiornissaannik Inatsisartut inatsisaanni peqquneqarnerat tamassumunnga pissutaavoq. Kisitsimmi nalunaaruteqarnermi suliat aamma pasinapiluttoqarneranik kalerriisoqarsinnaatitsinermi Inatsisartut inatsisaanni piffissaliussanik malinngitsoqartillugu suliffeqarfinit sulianik nakkutilliinermi iliuseqarnermilu suliat ukiumut 10-nit 15-inut aallaavisoq. Missingiineq taanna annertuumik nalorninartoqarpoq,

tassa Inatsisartut inatsisaata kinguneranik suliata nutaat ullumikkut amerlasussaannut sanilliullugu qanoq amerlatigissanersut eqqoriaruminaammat. Tamatuma saniatigut Inatsisartut inatsisaata atuutilerneranut atatillugu suliffeqarfiit pisussaaffiit innuttaasullu pisinnaatitaaffiit paasititsiniaanermut 100.000 kr.-t missaannik annertussusilinnik ataasiartumik aningaasartuuteqartoqassaaq.

Taamatuttaaq missingerneqarpoq siunnersuut Namminersorlutik Oqartussani sulisut 4.000 missaaniinnerat tassanilu ukiumut suliata quliniit 15-inut amerlassuseqarnissaat aallaavigalugit kommunini ataasiakkaani ukiumut 300.000 kr.-t sinnernagit aningaasartuuteqarnerunermik kinguneqassasoq, kommuninilu tallimani 6.000-nik sulisoqartillugu ilimagineqartariaqarpoq kommuninut tallimanut taakkununga agguarlugit suliata 15-it 22,5-illu akornanniissasut.

Missingerneqarpoq suliffeqarfinnut nammineertitanut Nukissiorfimmu Asiamullu aningaasatigut kingunissai ukiumut 100.000 koruuninut ikinnerussasut. Ilimagineqarpoq suliffeqarfiit nammineertitat il.il. avataani suleqatit pingajuannut isumaqatigiissuteqareerpata aningaasartuutit amerlissanngitsut.

Ilimagineqarpoq pasinapiluttunik kalerriisarnermut aaqqissuussinernik naliliisinaanerat siunertaralugu Naalakkersuisut paasissutissanik § 27 naapertorlugu pissarsisarnermik aaqqissuussinernannut aqutsinerannullu atatillugu annikitsumik aningaasatigut kinguneqassasoq.

4. Inuussutissarsiortunut aningaasatigut allaffissornermullu kingunissai

Ilimagineqarpoq siunnersuutip inuussutissarsiortut aningaasartuutaat amerlisissagai, tassa suliffeqarfiit 30-t sinnerlugit sulisoqartut nalunaaruteqarfimmik pilersitsissammata, tamannalu Inatsisartut inatsisaat malillugu nalunaarutinik suliaqarsinnaasumik avataani sumulluunniit atassuteqanngitsumik suleqatit pingajuannik suleqateqarnermik kinguneqassaaq.

Aningaasatigut kingunissaannut taamaalilluni nalunaaruteqartoqartarnersoq avataanilu suleqatit pingajuat siumut akilerneqarnissamik piumasaqassanersoq apequtaapput.

Kalaallit Nunaanni 30-it sinnerlugit sulisullit 2020-mi 88-iupput. Suliffeqarfiimi isumalluutit tiimimut 500 koruuninik avataani isumalluutit tiimimut 2.000 kroniit akeqartut avataani tunngavigineqarpoq. Aamma Inatsisartut inatsisaata atuutilersinneranut suliffeqarfimmi missingerlugu 45 tiimit atorneqassasut pasinapiluttumik kalerriinermilu suliata avataani suleqatit pingajuata suliaqarnermini agguaqatigiissillugu 5 tiiminik atuisarnissaa tunngavigineqarpoq. Naggasiullugu suliffeqarfinni namminersortuni sulisut kommunit Namminersorlutillu Oqartussani sulisut amerlaqatigipajaaraat tunngavigalugu suliffeqarfiit akimorlugit nalunaarutit ukiumut 25-nit 30-nut amerlassuseqarnissaat tunngavigineqarpoq.

Qulaaniittut tunngavigalugit ilimagineqartariaqarpoq namminersorlutik inuussutissarsiuteqartut Inatsisartut inatsisaata atuutilersinneqarata kingorna ukiumi siullermi 3,5 millioner koruuninik aningaasartuuteqassasut, ukiunilu tulliuttuni nalunaaruteqartarfiup atuutitinnissaanut ukiumui ataatsimi aningaasartuutissat 1 million koruuninut missingerneqarput.

5. Avatangiisinut, pinngortitamut innuttaasullu peqqissusaannut kingunissai

Ilimagineqarpoq avatangiisinut, pinngortitamut innuttaasullu peqqissusaannut kinguneqassanngitsaq.

6. Innuttaasunut kingunissai

Ilimagineqarpoq siunnersuut sulisut atugarissaarnerannut toqqissisimanerannullu pitsaasumik sunniuteqassasoaq.

Ilimagineqarpoq siunnersuut naligiissitaanermut pitsaasumik sunniuteqassasoaq, tassa pasinapiluttoqarneranik kalerriisoqarsinnaatitsineq assigiinngitsinernik il.il. nalunaarutit amerlinerannikkinguneqarsinnaammat.

Tamakku sanitigut allanik kinguneqarnissaa ilimagineqanngilaq.

7. Kingunissai pingaaruteqartut allat

Siunnersuut allanik pingaaruteqartunik kinguneqartussaannngitsutut igineqarpoq.

8. Oqartussanut kattuffinnut il.il. tusarniaaneq

Siunnersuut piffissami 1. juni 2023-mit 30. juni 2023-mut ukununnga tusarniutigineqarpoq: Siulittaasup Naalakkersuisoqarfia, Aatsitassanut Inatsisillu Atuutsinneqarnerannut Naalakkersuisoqarfik, Nunanut Allanut, Inuussutissarsiornermut Niuermullut Naalakkersuisoqarfik, Isumaginninnermut Suliffeqarnermullu Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Nunalerinnermut, Imminut Pilersornermut, Nukissiuutinut Avatangiisinullu Naalakkersuisoqarfik, Ineqarnermut Attaveqaasersuutinullu Naalakkersuisoqarfik, Meeqqanut, Inuusuttunut Ilaqutariinnullu Naalakkersuisoqarfik, SIK, BDO, Deloitte, BK Revision, EY Grønland, PWC Grønland, Nunatsinni Advokatit, Grønlands Revision, GE, Sulisitsisut, GrønlandsBANKEN, BankNordik, SISA, NUSUKA, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, Kalaallit Nunaata Radioa (KNR), Sermitsiaq AG, Inuit Pisinnaatitaaffiit Siunnersuisoqatigiit, Transparency

International Greenland, Kalaallit Nunaanni Politiit Pisortaat, Pinerlutsaaliuineranut Siunnersuisoqatigiit, Kalaallit Nunaanni Naligiissitaaneranut Siunnersuisoqatigiit, IMAK, ASG, PPK, AK (Atorfillit Kattuffiat), Royal Greenland A/S, Royal Arctic Line A/S, KNI A/S, Great Greenland A/S, Visit Greenland A/S, INI A/S, Tusass A/S, Air Greenland A/S, Greenland Holding A/S, Illuut A/S, Greenland Oil Spill Response A/S, Sikuki Nuuk Harbour, Kalaallit Airports A/S, NUNAOIL A/S, Nukissiorfiit, Mittarfeqarfiit, Asiaq, Qeqertalik Business Council A/S, Blue Water Shipping, Kalaallit Nunaanni Suliffinnik Nakkutilliisoqarfik, Nunatsinni Advokatit - Grønlandske Advokater.

Siunnersuut tamassuma saniatigut piffissami tassani tusarniaaneranut nittartakkami takuneqarsinnaavoq.

Tusarniaaneranut piffissaliussap naanerni tusarniaaffigineqartunit ukuninnga tusarniaanermi akissutinik tigusaqartoqarpoq:

Aalisarnermut Piniarnermullu Naalakkersuisoqarfik, SISA Pension, Kalaallit Airports Holdning A/S, Siulittaasup Naalakkersuisoqarfia, Kommuneqarfik Sermersooq, Iisimatusarfik, Rigspolitiet, INI, ASG, Meeqqanut, Inuusuttunut Ilaqutariinnullu Naalakkersuisoqarfik, Nunanut allanut, Inuusutissarsiornermut Niuernermullu Naalakkersuisoqarfik, Sulisitsisut, IMAK, Ineqarnermut Attaveqaasersuutinullu Naalakkersuisoqarfik, Transparency International Greenland (TIG), Digitaalinningsaaneranut Aqutsisoqarfik.

Siunnersuummi aalajangersakkanut ataasiakkaanut nassuiaatit

§ 1-imut

Imm. 1-imi siunnersuutigineqarpoq Inatsisartut inatsisaat inatsisinik mianernartunillu allanik annertuumik unioqqutitsinerit pillugit nalunaarutinut atuutissasoq.

Tunngavimmi ”inatsisinik mianernartunillu allanik annertuumik unioqqutitsinerit” pineqarpoq pissutsit innuttaasut soqutigisaasa qulaajarneqarnissaat aallaaviusumik pineqassasut.

Nalunaarut inatsisinik pissutinillu allanik annertuumik unioqqutitsinertut isigineqarsinnaanersoq pisuni ataasiakkaani nalilersuineq apeqqutaassaaq. Kinaassusersiunngitsumik tunngavik pineqarpoq, tassani nalunaarut Inatsisartut inatsisaata atuuffiata iluaniinnersoq avataaniinnersorluunniit eqqartuussiviit naggataatigut nalilersuissallutik. Atuuffiani paasissutissani pissutsit pineqaatissiisutaasinnaasut nalinginnaasumik pineqassapput, tassunga ilanngullugit nipangiussimasussaataaernerik, aningaasanik atornerluilluni, tillilluni, peqquserlulluni, allap piinik peqquserlulluni, peqquserluttuliorluni akiliilluni peqqusersortitsilluni unioqqutitsinerit.

Inatsisinik annertuumik uteqattaartumilluunniit unioqqutitsinerit, tassunga ilanngullugit pissaanermik atuineq pillugu inatsit, pisortat ingerlatsineranni suliaassat suliarineqartarnerat pillugu inatsit, pisortat ingerlatsinerat pillugu paasitinneqarsinnaatitaaneq pillugu inatsit aamma pissutsit malillugit inatsisit assersuutigalugu innuttaasut peqqissusiisa, assartuinermi isumannaallisaanerup imaluunniit pinngortitamik avatangiisinik il.il.illersuinerup qulakkeernissaannik siunertaqarfiusut ilaapput.

Pisortani annertuumik ingerlatsinermi tunngavinnik annertuumik uteqattaartumillu unioqqutitsinerit, tassunga ilanngullugit misissuisarnermik tunngavik, kinaassusersiunnginnissamik piunasaqaat, pissaanermik atornerluinnginnissamik tunngavik aamma assigiimmik pinninnissaq ilaassapput. Innutaasunik suleqatigisanillu salloqittaaneq aamma ilaassaaq.

Pasinapiluttumik kallerriisup nammineq atorfeqarnermi atukkaminik nalunaarutai annertuumik inatsisinik mianernartunilu allanik unioqqutitsineq pineqanngippata, taamatut nalunaaruteqarneq Inatsisartut inatsisaata atuuffiata aallaaviusumik avataaniissapput. Ilaatigut suliffimmi kinguaassiuutinut attuumassuteqartunik uumisaarineq inuillu akornanni aporaanerit allat, assersuutigalugu annertuumik, ilaapput.

Kinguaassiuutitut attuumassuteqartunik uumisaarineq angutit arnallu naligiissitaanerat pillugu Inatsisartut inatsisaanni § 4, imm. 2-mi nassuiaatit naapertorlugit paasineqassaaq. Naalackersuisut inatsisissatut siunnersuummik saqqummiussinermut peqatigitillugu naligiissitaaneq aamma assigiinngisitsisarnerup akiornera pillugu inatsisissatut siunnersuutit (UKA 2023/17) saqqummiuppaat, tamanna ilaatigut naligiissitaaneq pillugu inatsisip atuuttup atorunnaarsinneqarneranik kinguneqassaaq. Aamma kinguaassiuutitut tunngasunik uumisaarinermik nassuiaatit imatut nutarterneqarput, inuup ataqqinassusia innarlernissaa siunertaralugu oqaatitigut, oqaasiunngitsukkut kinguaassiuutit pillugit maluginiarnartumik kissaatigineqanngitsumik pissusilersorneq, pingaartumik nuanninngitsumik akaareqatigiinngiffiusumik siorasaarineq, akeqqersimaarneq, nakkarsaaneq nikanarsaanerlu. Kinguaassiuutitut tunngasunik pissusilersorneq qaqugukkut kinguaassiuutitut tunngasunik qinngasaarineruneranik paasineqarnissaanut annikinnerpaaffissaa nassuiarneqanngilaq. ”Kinguaassiuutitut tunngasunik pissusilersorneq” sunaananeramik paasinninnermi taamaalilluni inuup killingi apeqqutaapput, takkulu inummiit inummut assigiinngissinnaapput. Kisianni kisianni iliuuseqarnerup (pissusilersornerup) pineqarnissaa taassumalu kissaatigineqanngitsutut misigineqarnissaa piumasaqaataavoq. Kinguaassiuutitut tunngasunik uumisaarinermik sumilluunniit nalunaaruteqarnerit nassuiaat taanna atorlugu Inatsisartut inatsisaata imarisaatigut atuuffianut ilaassapput.

Uumisaarinerit allat suulluunniit, assersuutigalugu race, politikkikkut upperisakkalluunniit sumut ilaaneq il.il., Inatsisartut inatsisaata atuuffianut ilaapput. Annertuumik uumisaarisogarnersoq taamaalilluni pisuni ataasiakkaani naliliineq apeqqutaassaaq, oqaatigineqassallunili uumisaarinermut assersuutit qulaani taaneqartut annertuumik uumisaarinertut nalinginnaasumik isigineqassasut.

Taamatut qaqugukkut unioqqutitsisogarnersoq atuuffianik paasinninneq tunngavigalugu naliliineq apeqqutaavoq. Annikitsumik unioqqutitsinerit ilatinneqassanngillat, aalajangersakkanillu saniatigullu aalajangersakkanik unioqqutitsinerit, tassunga ilanngullugit uppersaasiortussaataaneq imaluunniit nalunaaruteqartussaataaneq aallaaviusumik atuuffiata avataaniissapput.

Pissutsit allat pillugit paasissutissat, tassunga ilanngullugit suliffimmi najoqqutassianik annertunnginnerusumik unioqqutitsinerit pillugit paasissutissat, tassunga ilanngullugit napparsimaneq pissutigalugu sulinnginneq, imigassaq, atisalersortariaaseq, allaffimmi atortunik suliffiup avataani atuneq il.il. aamma suliffimmi inunnut tunngasunik aporaannerit allat, annertuumik unioqqutitsinertut aallaaviusumik isigineqassanngillat, taamaalillunilu Inatsisartut inatsisaata atuuffianut ilaatinneqassanatik. Paasissutissat taamaattut malittarisassat

najoqqutassiallu atuuttut naapertorlugit aqutsisumut qaninnermut, sulisoqarnermut/HR-imut immikkoortortaqarfimmut sinniisumulluunniit nalunaarutigineqarsinnaassapput.

Taamaalilluni sulisut marluk arlallilluunniit akornanni aporaannerit aamma inuit namminneq atorfeqarnerminni pissutsit pillugit nalunaarutit atuuffissaatut siunnersuutigineqartup avataaniittuusut ersarissumik aallaaviussaaq, takujulli kinguaassiuutinut tunngasunik uumisaarineq annertuumillu uumisaarineq pillugit qulaaniittoq

Sulisut akornanni isumaqatigiinnginnerit il.il. suliffimmi suliaqarfimmilu iliuseqarfigneqarnissaat ersarissumik aallaaviussaaq. Immikkulli pisoqarsinnaavoq, tassani suleqatigiinnissamik ajornartorsiutit annikitsut inuit inuunerannut peqqusiannullu ajoqutaariaannaallutik imaluunniit annertuumik ajoqusernermik kinguneqariaannaallutik. Assersuutigalugu tassaasinnaapput suliassat suleriaatsillu pingaaruteqartut, tassunga ilanngullugit peqqinnissaqarfimmi assartuinermillu inuussutissarsiorfmimi, inuit akornanni aporaannerit kingunerannik ajornerulersinnaasut.

Assersuutitut eqqarsaatigineqarsinnaavoq inuit pingaaruteqartumik suliaqartut suliaqarfianniluunniit inuit inuunerannik peqqissusiinillu akisussaasut, assersuutigalugu assartuinermik akisussaasut peqqinnissaqarfimmiluunniit sulisut, akornanni isumaqatigiinnginnerit annikitsut annertuumik ajoquseriataarsinnaanermik kinguneqarsinnaasut. Pissutsit taamaattut Inatsisartut inatsisaat tunngavigalugu mianernartuusutut aamma isigineqarsinnaapput.

Atorfeqarnermi pissutsit allat, tassunga ilanngullugit sulisut sulisitsisullu kattuffiisa akornanni aporaannerit, taamaalillutik Inatsisartut inatsisaata imarisaatigut atuuffiata avataaniittuunerat ersarissumik aallaaviussaaq.

Aamma oqaatigineqassaaq pissutsit inatsisip atuutilersinneqannginnerani pisut nalunaarutigineqarsinnaassasut, nalunaarutillu taamaattut Inatsisartut inatsisaata atuuffiata iluaniippata itigartinneqarsinnaanngitsut. Kisianni Inatsisartut inatsisaata atuutilersinneqannginnerani pisut pillugit nalunaarutitut suliniutit suut nalunaarummik naammattumik nangitseqqinnerunerannut pissutsit apeqqutaatillugit sunniuteqarsinnaassapput.

Nalunaarut tiguneqartoq atuuffiata qulaani taaneqartup avataaniippat, pasinapiluttumik kalerriinermi suliaqartut nalunaaruteqarnermut tunngatillugu iliuseqaaqqinnissamut pisussaaffeqanngillat. Nalunaaruteqartoq tamassuma kinguneranik Inatsisartut inatsisaat malillugu illersorneqartussaataaangilaq.

Inuussutissarsiuteqartuni namminersortuni suliffimmi pasinapiluttumik kalerriinermi suliaqartut nalunaarutip atuuffiata iluaniinngitsutut nalilerneqartoq paasissutissallu sumi suliarineqarsinnaanersut, assersuutigalugu sulisoqarnermut/HR-imut immikkoortorta qarfimmi imaluunniit sinniisumit il.il., nalunaaruteqartumut ilisimatitsissutiginiissaa toqqarsinnaavaat.

Imm. 2-mi siunnersuutigineqarpoq nalunaaruteqarneq imm. 1.imi pisunut ilaanngippat, Inatsisartut inatsisaat illersornermi sillimaniarnermilu pissutsit pillugit neqeroortitsinernut malittarisassanik unioqquitsineq pillugu nalunaarutinut atuutissanngitsoq.

Aamma nalunaarutip Inatsisartut inatsisaata imarisaatigut atuuffiata avataaniittuunerani inatsisilerinermi kingunissai pillugit imm. 1-imut nassuiaatit aamma innersuussutigineqarput.

Imm. 3, nr. 1-imi siunnersuutigineqarpoq Inatsisartut inatsisaat paasissutissanut eqqartuussisaaseq pillugu inatsimmi § 81 naapertorlugu eqqartuussissuserisut nipangiusimasussaataitanerannut ilasunut atuutissanngitsoq.

Imm. 3, nr. 2-mi siunnersuutigineqarpoq, Inatsisartut inatsisaat paasissutissanut napparsimasut inatsisitigut inissisimanagerat pillugu Inatsisartut peqqussutaanni § 23 naapertorlugu peqqinnissaqarimmi sulisut nipangiusimasussaataitanerannut atuutissanngitsoq.

Napparsimasut inatsisitigut inissisimanagerat pillugu Inatsisartut peqqussutaanni § 23, imm. 1-ip kinguneranik peqqinnissaqarfimmi sulisut sulinerminni paasisaminnik imaluunniit peqqissutsimi pissutsit pillugit ilimagisaqalernerminnik paasissutissanillu allanik isertuussanik nipangiussinissaat napparsimasoq piumasaqarsinnaavoq, takukkilli napparsimasut inatsisitigut inissisimanagerat pillugu Inatsisartut peqqussutaanni malittarisassat.

Imm. 3, nr. 3-mi siunnersuutigineqarpoq Inatsisartut inatsisaat eqqartuussivimmi isumasioqatigiinnernik taasinernillu nipangiusimasussaataitanermit ilaasunut atuutissanngitsoq. Atuutsinngitassatut siunnersuutigineqartumi ilaapput isumaqatigiinnginnerit pillugit eqqartuussinerni aamma pineqaatissiinerit pillugit eqqartuussinerni eqqartuussivimmi isumasioqatigiinniarnerni taasinernilu paasissutissat.

Imm. 3 nr. 4-mi siunnersuutigineqarpoq Inatsisartut inatsisaat pineqaatissiinerit pillugit eqqartuussinerni sulianut atuutissanngitsoq.

Taaguut »pineqaatissiinerit pillugit eqqartuussineq« imatut paasineqassaaq pineqaatissiinermi eqqartuussinerup inatsisini kinguneri pillugit suliat tamarmik, tassunga ilanngullugit politiit

unnerluussisussaataasullu pinnagit suliat ingerlatsinermi oqartussanit suliarineqarnissaannik immikkut piginnaatitsissutigineqartut, assersuutigalugu akileraartarnej akitsuutillu pillugit inatsisini suliat, tassani allaffissornikkut pillaammik akiliisitsinissamut piginnaatitsisoqarpoq. Aalajangersakkami taamaalluni ilaatigut ilaapput politiit inatsisunik unioqqutitsinernek misissuinerat aamma unnerluussisussaataasut pinerluttulerinermi suliat eqqartuussivinni suliarineqarnerannut atatillugu sulianik ingerlatsinerat.

§ 2-mut

§ 2-mi siunnersuutigineqarpoq unioqqutitsinernek nalunaarutit pillugit immikkut malittarisassat immikkoortunut aalajangersimasunut malittarisassat naapertorlugit aalajangerneqartut atuutiinnassasut. Aamma siunnersuutigineqarpoq Inatsisartut inatsisaanni matumani malittariassat pissuseq pillugu avaqunneqarnissaanngitsumik malittarisassiortoqarsimangippat ilassutaassasut.

Aalajangersigaq kinguneqarpoq, pasinapiluttumik kalerriisunik illersuineq pillugu immikkoortunut aalajangersimasunut immikkut malittarisassat atuutiinnassasut, Inatsisartullu inatsisaat pissutsinut tamanut immikkoortunut aalajangersimasunut malittarisassat taakku naapertorlugit malittarisassaqqanngitsunut atuuttoq

Tamanna ilaatigut kinguneqarpoq, sulisitsisut 30-t ataallugit sulisoqartut, immikkoortunut aalajangersimasunut malittarisassat kingunerannik, assersuutigalugu aningaasaqarnermik inuussutissarsiummi, pasinapiluttoqarneranik kalerriisoqarsinnaatitsinermut pilersitsisussaataasut inatsit manna naapertorlugu pisussaaffik sulisitsisunut 30-t sinnerlugit amerlanerusunilluunniit sulisoqartunut taamaallaat atuukkaluartoq sulii pasinapiluttoqarneranik kalerriisoqarsinnaatitsineq atorneqassasoq.

Tamanna aamma kinguneqarpoq, immikkoortuni aalajangersimasuni taamaattuni aaqqissuussinerni kinaaneq isertuullugu nalunaaruteqarnissamik periarfissaqarneq pillugu piumasaqaataasinnaasut il.il. atuutiinnassasut.

Tamanna aamma kinguneqarpoq immikkoortunut aalajangersimasunut aaqqissuussinerni atuuttuni suliffimmi avataanilu pasinapiluttoqarneranik kalerriisoqarsinnaatitsinerit inatsimmi matumani malittarisassat eqqortinneqassasut, tassunga ilanngullugu immikkoortunut aalajangersimasunut inatsisit naapertorlugit sakkortunerusunik piumasaqaateqariinngippat suliassanik suliaqarnermut piumasaqaatinut tunngatillugu. Tamanna sulisitsisunut tamanut immikkoortunut aalajangersimasunut pasinapiluttoqarneranik kalerriisoqarsinnaatitsinernek ingerlataqareersunut atuuppoq, sulisitsisoq pineqartoq inatsit manna naapertorlugu 30-nik sulisoqarnissamut killigittamat sanilliullugu pasinapiluttoqarneranik

kalerriisoqarsinnaatitsinermut pisussaaffeqarniarluni aalajangersimasunik amerlassusilinnik sulisussaqaqarnermut immikkoortunut aalajangersimasunut malittarisassanik malinnittussaanera apeqqutaatinnagu.

§ 3-mut

Imm. 1, nr. 1, litra a-mi sinnersuutigineqarpoq "unioqqutitsinerit" nassuiarneqassasut tassaasut iliuutsit annertuumik inatsisinik mianernartunilluunniit allanik unioqqutitsinerit, tak. § 1, imm. 1.

Imm. 1, nr.1, litra a-mi aamma siunnersuutigineqarpoq "unioqqutitsinerit" nassuiarneqassasut tassaasut iliuutsit iliuuseqannginnerilluunniit malittarisassani Inatsisartut inatsisaata atuuffianut ilaasuni, tak. § 1, imm. 1, siunertamik saneqquitsilersinnaatitsisut.

Imm. 1, nr. 2-mi siunnersuutigineqarpoq "unioqqutitsinerit pillugit paasissutissat" nassuiarneqassasut tassaasut paasissutissat suulluunniit, tassunga ilanngullugit suliffimmi pasinapiluttumik kalerriisartup suliffigisaani suliffigisimasaaniluunniit imaluunniit suliffimmi allami pasinapiluttumik kalerriisup sulinermini attaveqarfigisaani attaveqarfigisimasaaniluunniit unioqqutitsisoqarneranik pissutissaqartumik pasitsaassaqaqarneq, unioqqutitsinerit pisut unioqqutitsinerusinnaasulluunniit kiisalu unioqqutitsinernik taamaattunik isertuussiniarnerit.

imm. 1, nr. 3-mi siunnersuutigineqarpoq "nalunaaruteqarneq" nassuiarneqassasoq tassaasoq unioqqutitsinerit pillugit paasissutissanik allaganngorlugu oqaasiinnartigulluunniit nalunaaruteqarneq.

imm. 1, nr. 4-mi siunnersuutigineqarpoq "suliffimmi nalunaaruteqarneq" nassuiarneqassasoq tassaasoq namminersorlutik inuussutissarsiutini suliffimmi pasinapiluttoqarneranik kalerriisoqarsinnaatitsinermut unioqqutitsinerit pillugit paasissutissanik oqaasiinnartigut allakkatigulluunniit nalunaaruteqarneq. Suliffimmi pasinapiluttoqarneranik kalerriisoqarsinnaatitsinermi imatut paasineqassaaq aqqissuussinermi nalunaarummik tiguisut tassaasut suliffeqarfimmi il.il. nalunaaruteqarfiusumi sulisut.

Imm. 1, nr. 5-imi siunnersuutigineqarpoq "avataanut nalunaaruteqarneq" nassuiarneqassasoq tassaasoq avataani pasinapiluttoqarneranik kalerriisoqarsinnaatitsinermut unioqqutitsinerit pillugit paasissutissanik oqaasiinnartigut allaganngorluguluunniit nalunaaruteqarneq. Avataani pasinapiluttoqarneranik kalerriisoqarsinnaatitsineq imatut paasineqassaaq nalunaarummik tiguisut tassaanngitsut suliffeqarfimmi, ingerlatsivimmi il.il. nalunaaruteqarfiusumi sulisut.

Imm. 1, nr. 6-imi siunnersuutigineqarpoq ”tamanut saqqummiussineq” paasineqassasoq tassaasoq paasissutissat pillugit paasissutissat tamanit pissarsiarineqarsinnaalersinnerat. Nassuiaammi pingaartumik pineqarpoq unioqqutitsinerit pillugit paasissutissat pingaartumik nutaarsiassaleriffiit, tamat attaveqartarfiit attaveqarfiusartulluunniit assingi aqputigalugit tamanut saqqummiunneqarnerat.

Imm. 1, nr. 7-imi siunnersuutigineqarpoq ”pasinapiluttumik kalerriisoq” nassuiarneqassasoq tassaasoq inuk unioqqutitsinerit, pissutsilluunniit ilungersunartut allat pillugit paasissutissanik inuup sulinermi ingerlatsinermut atatillugu pissarsia. Aalangersakkami uku pineqarput: sulisut, namminersorlutik inuussutissarsiuteqartut, aktiaatillit, pisortani, siulersuisuni, nakkutilliinermi siunnersuisoqatigiinni suliffeqarfimmiluunniit pisortani assingani ilaasortat, piunassutsiminnik sulisut, akissarsiaqaatigalugu akissarsiaqaatiginagulu sulinermik misiliisut, inuit takkutigineqarlutik sulisut, isumaqatigiissuteqartuni aqutsisut, suliamik ingerlatsisut pilersuisui pilersuisullu, inuit paasissutissanik sulinerminni pissarsiaminnik tamassumalu kingorna kingorna suliuunaartut nalunaaruteqartut, inuit sulinermik sulii aallartitsinngitsut paasissutissanik atorfinitsitsiniarnerup ingerlanerani imaluunniit isumaqatigiissutissanik isumaqatigiinniarnert sioqqullugit pissarsiaminnik unioqqutitsinerinik pissutsinilluunniit ilungersunartunik allanik nalunaaruteqartut. Pasinapiluttumik kalerriisarnermik paasinninnermi paasissutissanik pissarsisimaneq inunnulluunniit taakku suliaqaqqaarnatik pissarsiarineqarsimanerat apeqqutaanngilaq. Pasinapiluttumik kalerriisumik nassuiaammi paasissutissanik pissarsisimaneq imaluunniit siornatigut suliniuteqavittoqarnani inuup pissarsiarisimaneq apeqqutaanngilaq.

Imm. 1, nr. 8-imi siunnersuutigineqarpoq ”akunnermiliuttoq” nassuiarneqassasoq tassaasoq inuk pasinapiluttumik kalerriisup sulinermut atatillugu nalunaaruteqarnerani ikiuuttoq ikiuunneralu isertuunneqartariaqartoq.

Imm. 1, nr. 9-mi siunnersuutigineqarpoq ”sulinermut atatillugu” nassuiarneqassasoq tassaasoq namminersorlutik inuussutissarsiuteqartuni pisortanilu suliap sunnera apeqqutaatinnagu maannakkut siusinnerusukkulluunniit sulineq, tassani inuit unioqqutitsinerit pillugit paasissutissanik pissarsillutik, inuillu taakku paasissutissanik taamaattunik nalunaaruteqarunik pillaammik akiniarneqariaannaasut.

Imm. 1, nr. 10-mi siunnersuutigineqarpoq ”inuk attuumassuteqartoq” nassuiarneqassasoq tassaasoq inuk imaluunniit inatsisit tunngavigalugit inuttut isigineqartoq, nalunaaruteqarnermi imaluunniit tamanut saqqummiussineri unioqqutitsisutut oqaatigineqartoq inummulluunniit taaneqartumut attuumassuteqartoq. Inuk attuumassuteqartoq tasaaneruvoq inuup nalunaaruteqarnerani pineqartoq. Inuk attuumassuteqartoq aamma tassaasinnaavoq inummut

pasinapiluttumik kalerriisup nalunaarutigisaanut attuumassuteqartoq, tassunga ilanngullugu inuup aappaa.

Imm. 1, nr. 11-mi siunnersuutigineqarpoq ”pillaammik akiniutit” nassuiarneqassasut tassaasut sulinermut atatillugu toqqaannartumik toqqaannanngitsumillu iliuutsit iliuuseqannginnerilluunniit suliffimmi avataanulluunniit nalunaaruteqarnerup tamanulluunniit saqqummiinerup kingunerisai pasinapiluttumik kalerriisullu tunngavissaqanngitsumik ajoqutaasut.

Imm. 1, nr. 12-imi siunnersuutigineqarpoq ”ingerlatitseqqinneq” nassuiarneqassasoq tassaasoq nalunaaruteqarnermi oqaatigineqartut eqqortuunerannik nalunaarummik tiguisup iliuusii suulluunniit, tassanilu unioqqutitsinerup nalunaarutigineqartup pinngitsoornissaa naleqquttuulluni, tassunga ilanngullugit suliffimmi misissuineq, politiit misissuinerat, eqqartuussisutigoortitsineq, aningaasat utertinniarlugit eqqartuussisunut suliassanngortitsineq imaluunniit suliap naammassinera.

Imm. 1, nr. 13-imi siunnersuutigineqarpoq ”akissuteqarneq” nassuiarneqassasoq tassaasoq ingerlatitseqqinneq pillugu taamatullu ingerlatitseqqinnermi tunngavilersuutit pillugit pasinapiluttumik kalerriisumut nalunaaruteqarneq.

Imm. 1 nr. 14-imi siunnersuutigineqarpoq “pisortat ingerlatsinerat” imatut nassuiarneqassasoq, Inatsisilerinermi immikkoortut pisortat ingerlatsineranni suliassat sularineqartarnerat pillugu inatsimmi § 1, imm. 1-imi ilaasut tamarmik. Pisortat ingerlatsineranni suliassat sularineqartarnerat pillugu § 1, imm. 1-imi allaqqavoq, inatsit pisortat ingerlatsineranni immikkoortunut tamanut atuuttoq. Inatsisilerinermi immikkoortut, pisortat ingerlatsineranni suliassat sularineqartarnerat pillugu § 1, imm. 1-imi ilanngunneqartut, taamaalillutik inatsisit manna malillugu pisortat ingerlatsineranni ilaatinneqarput. Inatsisartut sulisoqarfiillu tassunga atasut aamma pisortat ingerlatsineranni ilaatinneqarput. Naalagaaffiup Kalaallit Nunaanni oqartussatitai, eqqartuussiviit ilanngullugit, inatsimmi ilaatinneqanngillat, kisianni justitsministeriap Danmarkimi inatsit oqartussanut taakkununga atuutilersissinnaavaa.

Suliffeqarfiit nammineertitat pisortat ingerlatsinerannut aamma ilaapput, soorlu Nukissiorfiit, Mittarfeqarfiit aamma Asiaq.

Imm. 1, nr. 15-imi siunnersuutigineqarpoq “namminersortut ingerlatsinerat imatut nassuiarneqassasoq, Inatsisilerinermi immikkoortut pisortat ingerlatsineranni suliassat sularineqartarnerat pillugu inatsimmi § 1, imm. 1-imi ilaanngitsut aamma Inatsisartut ataanni

sulisoqarfiinilu tassunga atasuni imaluunniit Danmarkip naalagaaffiata sulisoqarfiini, tassunga ilanngullugit eqqartuussivinnut, ilaanngitsut tamarmik.

§ 4-mut

§ 4-mi siunnersuutigineqarpoq inatsit pasinapiluttumik kalerriisumut inunnulluunniit attuumassuteqartunut ajoqutaasumik isumaqatigiissutikkut saneqqunneqarsinnaanngitsoq. Inatsisissatut siunnersuummi § 4-tut aalajangersagassatut siunnersuummi isumaqatigiissummut allammut attaveqartitsineq malittarisassiunneqarpoq.

Aalajangersigaq kinguneqarpoq pasinapiluttumik kalerriisoq inuilluunniit attuumassuteqartut inatsit naapertorlugu pisussaaffigisaminnik pissutissaqanngitsumik taamaatitsisinnaanngitsut.

Assersuutigalugu atorfininnermi isumaqatigiissummi immikkut piunasaqaatit sulisup inatsit malillugu tamakkiisumik ilaannakortumilluunniit illersugaanerani atorunnaarsitsisut atuuttussaangillat. Aalajangersagaq akerlianik pasinapiluttumik kalerriisup inuilluunniit attuumassuteqartut inatsit naapertorlugu pisinnaatitaaffiitut taakkununga akornutaanngippata, pasinapiluttumik kalerriisup inuilluunniit attuumassuteqartup inatsimmi malittarisassanit pitsaanagerusunik isumaqatigiissuteqarnikkut pisinnaatitaaffilerneqarnissaannut akornutaanngilaq.

§ 5-imut

Inatsisartut inatsisaat pasinapiluttumik kalerriisumut kapitali 3 naapertorlugu suliffimmi pasinapiluttoqarnerani kalerriisoqarsinnaatitsinermut nalunaaruteqarnermut imm. 1, nr. 1-itut siunnersuutigineqartoq malillugu atuuppoq. Pasinapiluttumik kalerriisup kapitali 3 naapertorlugu suliffimmi pasinapiluttoqarnerani kalerriisoqarsinnaatitsinermut nalunaarutiginnittup taamaalilluni Inatsisartut inatsisaat malillugu illersugaanissamut piunasaqaatit eqqortippai

Inatsisartut inatsisaat pasinapiluttumik kalerriisumut kapitali 4 naapertorlugu avataani pasinapiluttoqarnerani kalerriisoqarsinnaatitsinermi nalunaaruteqartumut imm. 1, nr. 2-tut siunnersuutigineqartoq malillugu atuuppoq. Pasinapiluttumik kalerriisup kapitali 4 naapertorlugu suliffimmi pasinapiluttoqarnerani kalerriisoqarsinnaatitsinermi nalunaarutiginnittup taamaalilluni Inatsisartut inatsisaat malillugu illersugaanissamut piunasaqaatit eqqortippai.

Inatsisartut inatsisaat pasinapiluttoqarneranik kalerriisoqarsinnaatitsinermi immikkoortoq suliamut attuumassuteqartoq piffissaliussap § 12, imm. 2 nr. 3-imi aamma §18, imm. 2, nr. 3-imi aalajangerneqartup iluani nalunaarummut qisuariaatitut naleqquttumik iliuuseqarsimatinnagu pasinapiluttumik kalerriisoq siullermik kapitalit 3 aamma 4 naapertorlugit suliffimmi avataanullu imaluunniit avataanut toqqaanartumik nalunaaruteqarnerani imm. 2, nr. 1-itut siunnersuutigineqartoq malillugu atuuppoq.

Pasinapiluttumik kalerriisoq piffissaliussap qaammatit pingasut iluanni imaluunniit piffissaliussap qaammatit arfinillit iluanni avataani pasinapiluttoqarneranik kalerriisoqarsinnaatitsineq eqqarsaatigalugu nalunaaruteqarpat immikkoortortaqrarfiup qanoq ingerlatitseqqiineranik pissusissamisoortumik tunngavilersukkamik ilisimatitsissummik tigusaqanngippat tamanut saqqummiineq taamaalilluni pissutissaqarpoq. Pasinapiluttoqarneranik kalerriisoqarsinnaatitsinermi immikkoortortaqrarfik nalunaarummik naleqquttumik misissuisimanngippat imaluunniit nalunaarutip kinguneranik iliuusissamik naleqquttumik aalajangiinngippat tamanut saqqummiussineq aamma pissutissaqarpoq

Suliffimmi avataanilu pasinapiluttoqarneranik kalerriisoqarsinnaatitsinermi nalunaaruteqartoqartillugu imm. 2, nr. 1 malillugu avammut saqqummiinermi illersorneqarnissamut pasinapiluttoqarneranik kalerriisoqarsinnaatitsinermi taakku marluk piffissaliussatut aalajangerneqartup iluani nalunaarummut qisuariaatitut naleqquttumik iliuusissatut aalajangiisimannginnissaat piumasaqaataavoq.

Nalunaaruteqarnerup kinguneranik naleqquttumik iliuuseqannginneq pineqarnersoq suliani ataasiakkaanni pissutsinik aalajangersimasumik naliliineq aallaavigalugu aalajangerneqassaaq. Naleqquttumik iliuuseqarnek § 12, imm. 2, nr. 2 aamma § 18, imm. 2, nr. 2 malillugit peqqissaartumik ingerlatitseqqinnissamut piumasaqaatit naapertorlugit paasineqassaaq. Taamaalilluni unioqqutitsinerup suunera annertussusaalu pillugit paasissutissat ilanngunneqassapput. Taamaalilluni ingerlatitseqqinnerup naleqquttuunerani pisuni ataasiakkaani pissutsit unioqqutitsinerullu pineqartup suunera apequtaassapput. Eqqartuussiviit tamanna pillugu inaarutaasumik aalajangiissapput. Aamma peqqissaartumik ingerlatitseqqinnerup paasineqarnissaanut § 12, nr. 2 aamma § 18, imm. 2 nr. 2-mut nassuiaatit innersuussutigineqarput.

Unioqqutitsineq innuttaasut soqutigisaannut annertuumik ilimanartumillu navianartorsiortitsisoq pasinapiluttumik kalerriisoq ilimaginninnissamut tunngavissaqarpat inatsit pasinapiluttumik kalerriisup tamanut saqqummiussinerani imm. 2, nr. 2-tut siunnersuutigineqartoq malillugu Inatsisartut inatsisaat atuuppoq. Assersuutigalugu

ajornartoortoqarnera imaluunniit aaqqinneqarsinnaanngitsumik
ajoquseeriataartoqarsinnaanera pineqartillugit.

Innuttaasut soqutigisaasa naviartorsiortinneqarsinnaanerannut assersuutigalugu ilaasinnaapput
unioqqutitsineq inuit ataasiakkaat inuunerannik isumannaatsuunerannillu
navianartorsiortitsisoq. Aamma tassaasinnaavoq inuit peqqissusiannik ajortumik
sunniuteqariaannaasumik avatangiisinut ajoquseeriataannaaneq ajoqusiinerlu piffissami
qaninnermi periaannaasoq. Tunngavik ”aarlerinartumik navianartoqarnera”
ajoquseeriataavissoqarsinnaaneranik kinguneqarpoq

Avataani pasinapiluttoqarneranik kalerriisoqarsinnaatitsinermut nalunaaruteqartoqarnermi
pillaatitut akiniaasoqariaannaaneranik pasinapiluttumik kalerriisoq isumaqarnissamut
tunngavissaqarpat imaluunniit suliameq pissusiviit pissutigalugit unioqqutitsinerup
sunniuteqartumik pinngitsoortinneqarnissaa ilimanarpiangippat inatsit imm. 2, 3-tut
siunnersuutigineqartoq malillugu pasinapiluttumik kalerriisup tamanut saqqummiussinerani
Inatsisartut inatsisaat atuuppoq.

Tamanut saqqummiineq nr. 3-tut siunnersuutigineqartoq malillugu unioqqutitsinerup suliameq
immikkut pissutsit pissutigalugit sunniuteqartumik pinngitsoortinnissaa
ilimanaateqarpiangippat tunngavissaqarsinnaavoq, tassunga ilanngullugit uppernarsaatit
isertuunneqarsinnaanerit aserorterneqarsinnaaneralluunniit, imaluunniit oqartussap inuullu
unioqqutitsisup unioqqutitsinermilluunniit akuusup akornanni isertuusamik
aaqqissuussisoqarsinnaaneq.

Inatsisikkut illersuineq imm. 2-tut siunnersuutigineqartoq malillugu paasissutissanik tamanut
saqqummiinermi Inatsisartut inatsisaat atuuppoq, tassani pasinapiluttumik kalerriisup tamanut
saqqummiisup nr 1-3-mi aalajangersakkani tunngavinnik eqqortitsisimanissaa
piumasaqaataalluni.

§ 6-imut

Aalajangersagassat siunnersuutigineqartumi ersippoq Inatsisartut inatsisaatigut illersuineq
taamaallaat pasinapiluttumik kalerriisartumut paasissutissat tamanulluunniit saqqummiussat
piffissami nalunaaruteqarfiusumi tamanulluunniit saqqummiusiviusumi eqqortuunerannik
paasissutissallu § 1, 1 naapertorlugu Inatsisartut inatsisaata atuuffiata ataaniittut
ilimagisaqarnissamut tunngavissaqarpat atuuttoq.

Unioqqutitsinerit pillugit paasissutissat piffissami nalunaaruteqarfiusumi imaluunniit tamanut
saqqummiussiffiusumi eqqortuunerannik ilimagisaqarnissamut tunngavissaqarnissaa

Inatsisartut inatsisaatigut illersorneqarnissamut aalajangersagassatut siunnersuutigineqartoq malillugu piumasaqaataavoq. Taamaalilluni pasinapiluttumik kalerriisup paasissutissat eqqortuunerannik upperinninnissaa aamma piffissami nalunaaruteqarfiusumi upperinninnissaq illersorneqarnissamut piumasaqaataapput. Pasinapiluttumik kalerriisoq tamanut saqqummiussippat piffissami tamanut saqqummiiviusumi upperinnittoqassaaq.

Paasissutissat eqqortuunerannik upperinninneq pillugu apeqqut pissusiviit tunngavigalugit nalilersorneqassaaq, tassunga ilanngullugit paasissutissat pineqartup piffissami nalunaaruteqarfiusumi pigisai. Pasinapiluttumik kalerriisup upperinninneranut taamaalilluni suliami pissutsinik tamarmiusunik nalilersuivinneq apeqqaassaaq.

Inuk upperinnittoq unioqqutitsinerit pillugit paasissutissanik eqqunngitsunik nalunaaruteqartoq tamanulluunniit saqqummiisoq Inatsisartut inatsisaatigut illersuinermit ilaatinneqartoq. Pasinapiluttumik kalerriisup nalunaaruteqarnermut tamanulluunniit saqqummiinermit pissutigisai inuup illersorneqarsinnaaneranut aallaaviusumik soqutaanngillat.

Inuitpaasissutissanik eqqunngitsunik nalunaaruteqartut tamanulluunniit saqqummiussisut illersorneqarsinnaanngillat.

Illersorneqarnissamut piumasaqaataavoq, unioqqutitsinermit uppersaasatit unioqqutitsinerit pillugit paasissutissanut ilanngunneqassat. Paasissutissat unioqqutitsisoqavittoqarneranik unioqqutitsisoqarsimasinnaaneraniillu tunngavissaqartumik nalornilersitsisut pasitsaasaqartitsisullu taamaalillutik Inatsisartut inatsisaatigut illersuinermit aamma ilaapput.

Kisianni unioqqutitsinerit pillugit paasissutissat tamanit ilisimaneqareersut tunngaveqarsorinanngitsut, tassunga ilanngullugu pissutissaqanngitsumik tusatsiakkat mamarliillunilu oqaatissuaanerit inatsimmi illersuinermit ilaanngillat.

§ 7-imut

Pasinapiluttumik kalerriisoq aalajangersakkami imm. 1-itut siunnersuutigineqartoq malillugu §§ 5 aamma 6-imi illersorneqarnissamut piumasaqaatinik naammassinnittoq nipangiussimasusaatitaanermik inatsimmi aalajangerneqartumik sumiginnaasimanngitsutut isigineqassaaq, inullu § 1, imm. 1-imi pissutsinik pisariaqartumik paasititsinissamut paasissutissanik pineqartunik nalunaaruteqarnissamut imaluunniit tamanut saqqummiinissamut pissutissaqarsimasoriguni tamassumunnga akisussaatinneqassanani.

Piumasaqaatit taakku naammassineqarpata pasinapiluttumik kalerriisoq akisussaatinneqassanngilaq, inuit akornanni akerleriinnernut inatsisitigut malittarisassani, pinerluuteqarneq pillugu inatsisitigut malittarisassani, allaffissornikkut imaluunniit atorfeqarneq pillugu inatsisini malittarisassani oqaatigineqartut, tassani pasinapiluttumik kalerriisoq unioqqutitsinerup saqqummiunnissaanut paasissutissanik nalunaaruteqarnerup tamanulluunniit saqqummiussinerup pisariaqartuuneranik tunngavissaqartumik isumaqarsimanissaa piumasaqaataavoq.

Akisussaasussaangitsutut siunnersuutigineqartumi taamaalilluni ilaangillat paasissutissat pasinapiluttumik kalerriisup tunngavissaqarani saqqummiussai. Taamaalilluni paasissutissat siunnersuummi § 1, imm. 1-imut ilaasunik unioqqutitsinermik saqqummiinissamut pisariaqanngitsunik nipangiussimasussaataitanermik unioqqutitsineq imaluunniit pasinapiluttumik kalerriisup tunngavissaqartumik ilimagisimasinnaanngisai suli akisussaanermut ilaassapput.

Imm. 2-mi siunnersuutigineqarpoq pasinapiluttumik kalerriisoq §§ 5 aamma 6-imi illersorneqarnissamut piumasaqaatinik eqqortitsisoq, pissarsineq taamaattoq immikkut pinerluutaasinnaasumik iliuusaanngippat paasissutissanik nalunaarutigineqartunik imaluunniit tamanut saqqummiunneqartunik pissarsisimanerminut akisussaatinneqassanngilaq.

Tamanna atuuppoq pasinapiluttumik kalerriisup uppersarsaatit imarisaanik unioqqutitsinani pissarsiarisimasumik saqqummiitillugu aamma uppersarsaatinik taamaattunik kopeerisimatillugu imaluunniit suliffimmi atorfeqarfigisamini isumaqatigiissutit pillugit aalajangersakkat imaluunniit aalajangersakkat allat suliffiup uppersarsaatinik pineqartunik pigisaqartuuneranik aalajangersaaffiusut allat unioqqutillugit ininit annissisimatillugu.

Assersuutigalugu tassaasinnaavoq pasinapiluttumik kalerriisup suliffimmi ininik assiliilluni imaluunniit sumiiffimmut pineqartup nalinginnaasumik iserfigisinnaanngisaminut iserluni paasissutissanik pissarsinera.

Pasinapiluttumik kalerriisorli assersuutigalugu ilaatigut qarasaasiap programmianut iserneq imaluunniit allat oqaloqatiginnerannik akuerisaanngitsumik tusarnaarneq immiussinerluunniit pillugit Kalaallit Nunaannut pinerluttulerineq pillugu inatsimmi § 94-imik unioqqutitsinikkut immikkut pineqaatissiissutaasinnaanik iliuuseqarnikkut pissarsisimatillugu akisussaatinneqarsinnaassaaq. Taamaattut nunatsinni eqqartuussisarnermi pinerluuteqarnermi akisussaataitanermi suli atuupput.

Aamma paasissutissat pineqartut pineqartup pissarsiarisai nalunaaruteqarnermut pineqartumut pisariaqanngippata imm. 2-tut siunnersuutigineqartoq malillugu akisussaatissoqarsinnaavoq.

§ 8-mut

Pasinapiluttumik kalerriisartog imm. 1-itut siunnersuutigineqartoq malillugu pillaammik akiniarneqassanngilaq, tassunga ilanngullugu pineqartoq Inatsisartut inatsisaanni tamanna pillugu aalajangersakkat naapertorlugit suliffimmi avammulluunniit nalunaaruteqarnerata tamanullu saqqummiinerata kinguneranik soorasaarineq pillaatitulluunniit akiniaaneq. Pasinapiluttumik kalerriisartog aamma nalunaaruteqarnissamut akornuserneqassanngilaq akornuserniarneqassananiluunniit.

Pillaammik akiniaaneq imatut § 3, imm. 1, nr. 11-miallassimaneratut paasineqassaaq..

Taaguummi ilaatigut assersuutigalugu pineqarsinnaapput suliunnaarsitaagallarneq, soraarsitsineq, atorfinnut appasinnerusumut inissinneqarneq atorfinmilluunniit qaffatsinneqannginneq, allanik suliakkiineq, nuussineq, akissarsianik appaaneq, piffissanik suliffigisanik allannguinerit, ilinniagaqaqqusaannginneq, pineqartup angusaanik ajortumik naliliineq imaluunniit atorfeqarnermi ajortumik allagartaliineq, pissusilersuutissanik saneqqutsisutut pillaaneq, avoqqaarlerneq allatulluunniit pineqaatissiineq, tassunga ilanngullugit aningaasatigut pillaanerit, pinngitsaaliineq, qunusiarinnineq, akornusersuineq avataaniititsinerluunniit, assigiinngisitsineq, ajortumik naapertuutinngitsumilluunniit iliuuseqarneq, atorfininnermi isumaqatigiissutip piffissamut killilikkap killigaaerneranik piffissamut killiligaanngitsumut sivitsuinera, sulisoq tassani ataavartumik atorfinitsinneqarnissamik ilimagisaqarluni, ajoqusiineq, tassunga ilanngullugu inuup tusaamaneqarnera pingaartumik internetimi attaveqartarfinni imaluunniit aningaasatigut annaasaqarneq, tassunga ilanngullugit kaaviiartitanik annaasaqarneq isertitassanillu annaasaqarneq, immikkoortumik imaluunniit inuussutissarsiutit immikkoortuannik tunngaveqartoq imaluunniit isumaqatigiissut piumasarineqanngitsoq piumasarineqanngitsorluunniit tunngavigalugu akuerinninnginnermik nalunaarsuineq, tamannalu inuup pineqartup immikkoortumi imaluunniit inuussutissarsiutit immikkoortuanni pineqartumi siunissami suliffissarsisinnaannginneranut kinguneqarluni, nioqqutissanik pilersuinnermik sullissinnermilluunniit piffissaq sioqqullugu atorunnaarsitsineq atorunnaarsitsinerluunniit, akuersissummik utertitsineq, nakorsamut tarnip pissusaanik immikkut ilisimasalimmut nakorsamulluunniit innersuussineq.

Tamanna kinguneqarpoq iliutsit iliuuseqannginnerilluunniit qulaani taaneqartut tamarmiunngitsut Inatsisartut inatsisaat tunngavigalugu pillaammik akiniutaasut.

Taamaalilluni piunasaqaataavoq iliuuseqarneq iliuuseqannginnerluunniit pasinapiluttumik kalerriisartup ajoquserneqarneranut pissutaasoq pissutaajumaartorluunniit. Aamma piunasaqaataavoq iliuuseqarneq iliuuseqannginnerluunniit suliffimmi tamanulluunniit saqqummiussinerup kingunerisimassagaa.

Pillaammik akiniaanerit sulisumut assersuutigalugu tassaasinnaapput mianersoqqusinikkut, atorfirmut appasinnerusumut inissinneqarnikkut, akissarsiat qaffakkumaneqannginnerisigut, akornusersuinikkut soraarsitaanikkulluunniit atorfeqarnermi kinguneqartitsinerit.

Namminersorlutik inuussutissarsiuteqartunut sullissisunut, namminersortunut isumaqatigiissuteqartunut, suliaqartunut pilersuisunut pilersuisunullu pillaammik akiniutit assersuutigalugu tassaagajuttarput sullissineq pillugu isumaqatigiissummik, akuersisummik unitsitsigallarneq atorunnaarsitsinerluunniit, kaaviaartitanik annaasaqarneq, isertitanik annaasaqarneq, pinngitsaalineqarneq, qunusiarineqarneq imaluunniit akornusersorneqarneq, akuerineqanngitsutut nalunaarsorneqarneq imaluunniit suliffeqarfimmik mattussineq tusaamaneqarnerulluunniit ajoquserneqarnera.

Aktiaalinnut inunnullu aqutsisuusunut pillaammik akiniutit assersuutigalugu tassaasinnaapput aningaasanut tunngasut, qunusiarineqarneq akornusersorneqarnerluunniit, akuerineqanngitsutut nalunaarsorneqarneq tusaamaneqarnerulluunniit ajoquserneqarnera.

Suliffimmi sulilersinnaasunut atorfinniarnermut atatillugu paasissutissanik pissarsisunut pillaammik akiniutit assersuutigalugu tassaasinnaapput atorfeqarnermi ajortumik allagartalerneqarneq imaluunniit akuerineqanngitsutut nalunaarsorneqarneq.

Piumassutsimik sulisunut aamma akissarsiaqarlutik akissarsiaqaratilluunniit sulinermik misiliisunut pillaammik akiniutit assersuutigalugu tassaasinnaapput sullissinerat atorfeqarunnaartoq, atorfeqarnermi ajortumik allagartalerneqartut imaluunniit tusaamaneqarnerat suliffimmilu qaffakkiartornissamut periarfissaat allatigut ajoquserneqartut.

Inuit immikkoortuinut tamanut pillaammik akiniutit aamma tassaasinnaapput akornusersuilluni eqqartuussivinnut suliassanngortitsineq, tassa pineqartup inatsit manna malillugu nalunaaruteqarnerata tamanulluunniit saqqummiunnerata kinguneranik pissutissaqanngitsumik eqqartuussivinni suliassanngortinneqarnera.

Nalunaaruteqarneq aamma pasinapiluttumik kalerriisartumut toqqaannartumik toqqaannanngitsumillu iluaqutissaanngitsumik iliuuseqarneq inatsisartut inatsisaat malillugu pillaammik akiniutit isigineqassapat imminnut qanimut atassuteqartariaqarput.

Taamaalilluni suut pillammik akiniutaanerannik siamasissumik nassuiaaneq sulisitsisup nalunaaruteqarnerup tamanulluunniit saqqummiinerup kingunerinngisaanik atorfeqarnermut tunngasunik aalajangiinissaa pineqartoq taamatut iliorsimanersoq apeqqutaatinnagu pinngitsoortinneqartariaqanngilaq.

Pasinapiluttumik kalerriisartoq inerteqquteqarnerup unioqqutinneqarnerani taarsiivigineqarsinnaavoq, tak. siunnersuummi § 28, imm. 1, tassungalu nassuiaatit.

Pasinapiluttumik kalerriisartoq aalajangersakkami oqaaseqatigiit aappaat malillugu aamma nalunaaruteqarnissamik akornuserneqassanngilaq akornuserniarneqassananiluunniit. Aalajangersakkamut ilaatigut ilaavoq pasinapiluttumik kalerriisartuulersinnaasup inatsit manna malillugu unioqqutitsineq pillugu paasissutissanik nalunaaruteqarusulluni suleqatiminut qullersaminulluunniit oqaluttuarnera, assersuutigalugu inatsit manna malillugu nalunaaruteqarnissamut periarfissanik paasiniaalluni, tamassumalu kingorna pineqartoq nalunaaruteqannginnerani soraarsinneqarluni il.il., tassani uppersarneqarsinnaalluni soraarsitsineq tamakkiisumik ilaannakortumilluunniit iliuseqarnermik pissuteqartoq. Pasinapiluttumik kalerriisartoq inerteqquteqarnermik unioqqutitsisoqarnerani taarsiivigineqarsinnaavoq, tak. siunnersuummi § 28, imm. 1, tassungalu nassuiaatit.

Imm. 1, nr 1-imi siunnersuutigineqarpoq pillammik akiniarneqarnissamut illersuineq imm. 1 malillugu akunnermiliuttunut atuuppoq.

Imm. 2, nr. 2-mi siunnersuutigineqarpoq imm. 1 malillugu pillammik akiniarneqarnissamut illersuineq aamma inuit pingajuinut pasinapiluttumik kalerriisartumut attuumassuteqartunut sulinernullu atatillugu pillammik akiniarneqariaannaasamut aamma atuutissasoq.

Pillammik akiniarneqarnissamut illersuineq taamaalilluni taamaallaat pasinapiluttumik kalerriisartumut atuutinngilaq, aammali inunnut pasinapiluttumik kalerriisartumut attuumassuteqartunut. Assersuutigalugu tassaasinnaapput sulisut peqatigiiffiini sinniisut, suleqatit ilaquuttat nalunaaruteqarnermut atatillugu pasinapiluttumik kalerriisartumut ikiuisunut, pasinapiluttumik kalerriisartoq sulisitsisuanut imaluunniit pisisartumut sullinneqartumulluunniit sulinermi aamma atassuteqartunut.

Imm. 2, nr. 3-mi siunnersuutigineqarpoq imm. 1 malillugu pillammik akiniarneqarnissamut illersuinermi imaluunniit ilaatinneqartut suliffeqarfiit oqartussallu pasinapiluttumik kalerriisup pigisaanut sulissussaanut allatulluunniit sulinermut atatillugu atassuteqarfigisaanut.

Imm. 3-mi siunnersuutigineqarpoq pasinapiluttumik kalerriisartooq nalunaaruteqarneq tamanulluunniit saqqummiineq § 1, imm. 1 naapertorlugu unioqquitsinerup saqqummiunnissaanut pisariaqartuusoq isumaqarnissamut naleqquttumik pissutissaqarpat eqqartuussisunut suliassanngortitsineq itigartinniarlugu nalunaaruteqarneq imaluunniit tamanut saqqummiineq patsisissaqartoq nalunaaruteqarsinnaatitaasoq.

Aalajangersagaq illuatungerisaq pasinapiluttumik kalerriisartumik eqqartuussivimmut suliassanngortitsippat pasinapiluttumik kalerriisartumik illersuinissamik kinguneqarpoq. Pasinapiluttumik kalerriisartooq taamatut pisoqartillugu § 5-itut siunnersuutigineqartumut ilaasumik nalunaaruteqarneq imaluunniit tamanut saqqummiineq pineqartoq innersuussutigalugu eqqartuussivinnut suliassanngortitsinermik itigartitsisinnaatitaavoq.

Eqqartuussivinni sulianut taamaattunut assersuutitut ilaatigut uku pineqarnerat taaneqarsinnaapput, eqqunngitsumik pasilliinerit, piginnittussaataaneq, nipangiussimasussaataaerermik sumiginnaaneq, paasisutissanik illersuineq pillugu inatsimmi malittarisassanik unioqquitsineq, niuernerme isertuussanik ingerlatitseqqinneq imaluunniit inuit akornanni pissutsit, pisortat ataatsimoorullugu sulinerme pissutsit pillugit inatsisinit taperserseqartunik unioqquitsineq.

Kisianni eqqartuussivinni suliassanngortinneqarnermik itigartitsisinnaatitaanermut piunasaqaataavoq, nalunaaruteqarneq imaluunniit tamanut saqqummiussineq, unioqquitsinerup § 1, imm. 1 naapertorlugu Inatsisartut inatsisaata imarisaata atuuffianut ilaasup paasitinneqarnissaanut pisariaqartuuneranik pasinapiluttumik kalerriisup tunngavissaqartumik isumaqarnissaa Taamaalilluni piunasaqaataavoq pasinapiluttumik kalerriisartup piffissami nalunaaruteqarfiusumi imaluunniit tamanut saqqummiiviusumi unioqquitsinerup Inatsisartut inatsisaata imarisaatigut atuuffianut ilaasup saqqummiunnissaanik tunngavissaqartumik isumaqarnissaa. Taamaattoq pasinapiluttumik kalerriisartooq tamanna pillugu tunngavissaqartutut isumaqarsimanersoq suliame pissutsinik tamanik nalilersuivinneq apeqqutaavoq.

§ 9-mut

Namminersorluni inuussutissarsiuteqartuni suliffiit sulisitsisup sulisuisa paasisutissanik § 1, imm. 1-imi ilaasunik nalunaaruteqarfisinnaasaannik pasinapiluttoqarneranik kalerriisoqarsinnaatitsinermi imm. 1-itut siunnersuutigineqartoq malillugu pilersitsisinnaapput.

Namminersorlutik inuussutissarsiut tassaapput inatsisit naapertorlugit immikkoortut allat, pisortat ingerlatsineranni suliassat suliarineqartarnerat pillugu Inatsisartut inatsisaanni § 1,

imm. 1-imi ilaangitsut, aamma Inatsisartut aamma Danmarkip naalagaaffiata Kalaallit Nunaanni suliaassarfiisa ataaniingitsut, ilaatigut eqqartuussiviit.

Siunnersuutigineqarpoq taaguut ”sulisitsisoq” (inatsisit naapertorlugit immikkoortoq) CVR pillugu inatsimmi taaguutip ”inatsisit naapertorlugit immikkoortoq” nassuiarneqarnera naapertorlugu siunnersuummi matumani paasineqassasoq. Assigiitsitsinissatut siunnersuutigineqartoq taamaalilluni kinguneqarpoq sulisitsisut tamarmik CVR-normoqartut amerlaqatigiinnik amerlanerusunilluunniit sulisoqartut, Naalakkersuisunit aalajangerneqartutut suliffimmi pasinapiluttoqarneranik kalerriisoqarsinnaatitsinermut periarfissami ilaatinneqassasut.

Oqaatigineqassaaq aalajangersagassatut siunnersuummi taamaallaat sulisitsisut suliffimmi pasinapiluttoqarneranik kalerriisoqarsinnaatitsinermut sulisitsisut sulisuminnut atugassiinissaannut periarfissiisoqartoq. Tamassumali sulisitsisup pasinapiluttoqarneranik kalerriisoqarsinnaatitsineq sulisumi saniatigut allanit, tassunga ilanngullugit sulisut immikkoortuinit allanit, atorneqalersinnaaneranik aalajangernissaa pinngitsoortissinnaanngilaa. Pingaartumik tassaasinnaapput pilersuisut suliaqarnermilu pilersuisut, piunmassutsiminnik sulisut, akissarsiaqarlutik akissarsiaqarnatilluunniit sulinermik misiliisut, inuit sulisitsisumi siusinnerusukkut sulisimasut paasissutissanillu pineqartup sulisitsisumi sulinermini pissarsiaminik aamma sulinerup aallartinnginnerani pineqartup sulilernissamut atatillugu, pissarsiarisaminik imaluunniit isumaqatigiissutissat allat isumaqatigiinniutiginnissaat sioqqullugu pissarsiarisaminnik nalunaaruteqartut.

Sulisitsisut imm. 2-tut siunnersuutigineqartoq malillugu suliffimmi pasinapiluttoqarneranik kalerriisoqarsinnaatitsinermik pilersitsisut suliffimmi pasinapiluttoqarneranik kalerriisoqarsinnaatitsinermut suliffeqarfissuarmi ataatsimut suliffimmi pasinapiluttoqarneranik kalerriisoqarsinnaatitsinermut pilersinnissaa toqqarsinnaavaat. Naalakkersuisut suliffeqarfissuarni suliffimmi pasinapiluttoqarneranik kalerriisoqarsinnaatitsinnginneq pillugu malittarisassiorsinnaapput.

§ 3-mi siunnersuutigineqarpoq, Namminerssarluni inuussutissarsiuteqarnermi sulisitsisut suliffigisami pasinapiluttunik kalerriisoqarsinnaatitaanermi nslunaarutit tiguneqartut misissuisinaanerillu eqqarsaatigalugit isumalluutit avitseqatigiissutiginnissaagaat.

Aalajangersagassatut siunnersuutigineqartoq sulisitsisut suliassani suni isumalluutunik avitseqatigiissuteqarsinnaanerannik tamakkiisumik allaaserinnermik imaqarpoq. Aalajangersakkap kinguneraa, suliffeqarfiit namminersortut pasinapiluttunik kalerriisoqarsinnaatitaanermut ataatsimut immikkoortoraqarfimmik pilersitsisinnaasut.

Taamaalilluni pasinapiluttunik kalerriisunut nalunaaruteqarfigisinnaasami ataatsimut nittartakkamik pilersitsisoqarsinnaavoq, suliffeqarfiillu sulisut nalunaarutitik misissuisussat ataatsimoorussinnaavaat.

§ 10-mut

Imm. 1 oqaaseqatigiit siullianni siunnersuutigineqarpoq pasinapiluttoqarneranik kalerriisoqarsinnaatitsineq allaganngorlugu oqaasiinnartigulluunniit taakkuluunniit marluk atorlugit nalunaaruteqarsinnaatitsisoqassaaq. Aalajangersagaq malillugu nalunaaruteqartarfimmik sumik pilersitsisoqassanersoq sulisitsisut ataasikkaat aalajangissavaat. Pasinapiluttoqarneranik kalerriisoqarsinnaatitsineq allaganngorlugu oqaasiinnartigullu nalunaaruteqartoqarsinnaanissaa piumasqaataangilaq.

Nalunaaruteqartarfik assersuutigalugu allakkatigut, maalaaruteqarnermut nakkartitsiveqarnikkut imaluunniit internetimi nalunaaruteqarfeqarnikkut intranetsiuppat internetsiuppalluunniit pilersinneqarsinnaavoq. Oqaasiinnartigut nalunaaruteqarsinnaanermik periarfissiisoqarpat oqarasuaatikkut oqaasiinnartigulluunniit nalunaaruteqarnikkut allakkut nalunaaruteqarsinnaatitsisoqassaaq.

Imm. 2-mut oqaaseqatigiit aappaanni siunnersuutigineqarpoq, oqaasiinnartigut nalunaaruteqartoqarsinnaappat, nalunaarutiginninneq pasinapiluttumik kalerriisup qinnuiviginninneratigut piffissaliussap naleqquttup iluani naapilluni ataatsimiinnikkut pisinnaassasoq. Naapilluni ataatsimiinnissamik piumasqaat sulisitsisoq aatsaat oqaasiinnartigut nalunaaruteqarsinnaanermut atortorissaarusiippat.

Nalunaarutip suuneranik naliliineq aallaavigalugu naleqquttumik piffissaliussaqaarluni naapilluni ataatsimiinnissamik neqerooruteqartoqassaaq, tassunga ilanngullugu iluarsineqarsinnaangitsumik ajoquseeriataartoqarsinnaaneranik isumaqarnissamut tunngavissaqarnersoq.

§ 11-mut

Imm. 1-imi siunnersuutigineqarpoq sulisitsisoq § 9- naapertorlugu suliffigisami pasinaliluttunik kalerriisinnaaitaanermik pilersitsinissamik toqqaasoq inummik immikkoortortaqarfimmilluunniit nalunaarutitik tiguisartussamik pasinapiluttumik kalerriisumullu attaveqartussamik, nalunaarutitik ingerlateqqiisartussamik, tak. § 12, imm. 2, nr. 2 pasinapiluttumik kalerriisumullu akissuteqartussamik, tak. § 12, imm. 2, nr. 3, toqqaassasoq.

Sulisitsisut inummik immikkoortortaqarfimmilluunniit suliassanik imm. 1-imi taaneqartunik suliaqartussamik taamaalillunilu pasinapiluttumik kalerriisutut atuuttussamik namminneq

toqqaassapput. Suliassaqarfik assersuutigalugu sulisumut najoqqutassianik eqqortitsisussamut HR-imilu sulisumut, inatsisilerinermi sulisumut, kukkunersiuisumut aqutsisumut ataatsimut arlalinnulluunniit imaluunniit siulersuisuni ilaasortamut inissinneqarsinnaavoq.

Sulisitsisoq suliffimmi pasinapiluttoqarneranik kalerriisoqarsinnaatitsineq suliassanik suliaqarnermut il.il. suliffimmi najoqqutassanik aalajangersaasinnaavoq, tassunga ilanngullugu § 12, imm. 2-tut siunnersuutigineqartoq naapertorlugu suleriaasissanik naleqquttunik aalajangersaanikkut. Aaqqissuussaanermi aningaasaqarnermiluunniit sumulluunniit attuumassuteqanngitsumik suliffimmi aqutsisuneertoqarnissaanik qulakkeerinninnissaa Inatsisartut inatsisaat malillugu piumasaqaataangilaq.

Oqaatigineqassaaq sulisumik tunngavissaqanngitsumik soraarsitsinissaq imaluunniit atorfeqarnermi inatsisit naapertorlugit suliassanik ingerlatsisoqarneranut pissutissaqanngitsumik kinguneqartitsinissaq Kalaallit Nunaanni atorfeqarneq pillugu inatsisini aallaavisoq. Sulisoq toqqarneqartoq taamaalilluni pissutissaqanngitsumik soraarsinneqarnissamut imaluunniit atorfeqarnermi pissutissaqanngitsumik kinguneqartitsisoqarnissaanut inatsisit atuuttut malillugit illersugaavoq. Tamassuma peqatigitillugu kinguneraa, sulisup suliassani eqqortumik sularinngippagit sulisumut toqqarneqartumut pissutsit malillugit kinguneqartitsisoqarsinnaasoq. Tamanna assersuutigalugu pissaaq sulisup toqqarneqartup suliffimmi pasinapiluttoqarneranik kalerriisoqarsinnaatitsineq suliffimmi najoqqutassiat suleriaatsillu malinngippagit imaluunniit sulisup atorfeqarnermut piumasaqaatit allatigut eqqortinngippagit.

Imm. 2-mi siunnersuutigineqarpoq manna inatsit naapertorlugu sulisitsisup § 9-mi ilaatinneqartup sumulluunniit attuumassuteqannginnissamut, paasissutissanik illersuineranut nipangiussimasussaataitanermullu Inatsisartut inatsisaanni piumasaqaatit eqqortitsitillugu suliffimmi pasinapiluttoqarneranik kalerriisoqarsinnaatitsinermut ingerlatseqatigiiffimmi suliffeqarfissuarmut atasumi ataatsimut ingerlatsisinnaasoq.

§ 12-mut

Imm. 1-imi siunnersuutigineqarpoq suliffimmi pasinapiluttoqarneranik kalerriisoqarsinnaatitsineq imatut ilusilersorneqassaaq, pilersinneqassasoq ingerlanneqassasorlu pasinapiluttumik kalerriisup, inuup attuumassuteqartup suleqatillu pingajui tamarmik nalunaarummi taaneqartut kinaanerisa isertuunnissaa qulakkeerneqarluni, sulisullu akuerisaanngitsut taakkuninnga pissarsisinnaajunnaarsinneqarlutik.

Nalunaarutininik tiguisarnermut, nalunaarsuisarnermut toqqorsivimmiititsinermullu aalajangersimasumik teknikkikkut aaqqiissuteqarnissaq piumasqaataanngilaq, aaqquissuussinerli imatut ilusilersorneqassaaq sulisut akuerisaanngitsut nalunaarutininik pissarsisinnaannginnissaat qulakkeerneqarluni. Tamanna assersuutigalugu kinguneqarpoq nalunaarutit drevimi allagaateqarfimmiluunniit sulisunit allanit, susassaqqanngitsunilluunniit allanit, nalinginnaasumik takuneqarsinnaasumi toqqarneqassanngitsut.

Nalunaarutit digitaalinnorlugu suliassanik suliaqartarfimmi nalunaarsorneqarpata toqqorneqarpatalu, nalunaarutininik nalunaarsorneqartunik pissarsisinnaaneq isissutissat atorlugit killilerneqarsinnaassaaq, taamaalilluni inuit akuerisaasut kisimik taakkuningga takunnissinnaalersinneqarlutik. Allatut periusaasinnaasoq tassaavoq immikkut nalunaarsuiffimmi nalunaarsuineq.

Aalajangersagaq inatsisissatut Inatsisartut inatsisaanni § 24, imm. 1-imut atatillugu isigineqassaaq, tassani aalajangerneqarpoq sulisut akuerisaasut ilaatigut pasinapiluttumik kalerriisup kinaarnera pasinapiluttoqarneranik kalerriisoqarsinnaatitsinermut nalunaarutigineqartoq pillugu nipangiussisimasussaataasut.

Imm. 2, nr. 1-imi siunnersuutigineqarpoq sulisitsisoq pasinapiluttoqarneranik kalerriisoqarsinnaatitsinermi suleriaatsimik naleqquttumik atuutilersitsissasoq, tassani nalunaarutip tiguneqarnera tiguserup kingorna ullut arfineq marluk iluanni uppersarnerneqarnissaa qulakkeerneqassalluni.

Taamatut uppersaanagerup ilusissaanik piumasqaateqanngilaq.

Uppersaanissamik piumasqaat kinaaneq isertuullugu nalunaaruteqartoqarnerani pasinapiluttoqarneranillu kalerriisoqarsinnaatitsinerup ilusilersorneqarnerata kinguneranik taamatut uppersaasoqarsinnaannginnerani atuutinngilaq. Tassungali atatillugu oqaatigineqassaaq kinaaneq isertuullugu nalunaarutit suliffimmi pasinapiluttoqarneranik kalerriisoqarsinnaatitsinermi tiguneqartut suliarineqarnissaannik Inatsisartut inatsisaat malillugu pisussaaffeqartoqanngitsoq.

Imm. 2, nr. 2-mi siunnersuutigineqarpoq, sulisitsisoq nalunaarutininik peqqissaartumik nangitseqqinnissamik qulakkeerinneffiusunik suleriaatsinik naleqquttunik atuutilersitsissasoq

Saaffiginnissutit ataasiakkaat qanoq suliarineqassanersut ilaatigut nalunaarutip imarisaanik qanorlu ittuuneranik naliliineq apeqqutaavoq.

Nalunaarut atuuffiata iluaniippat, suliffimmi paasissutissat ilanngullugit immaqalu pasinapiluttumik kalerriisartoq oqaloqatigeqqillugu allanillu aalajangersimasunik naleqquttunik iliuuseqarluni pisumik misissuineq aallartinneqassaaq.

Pinerluttulerinermik inatsimmik inatsisinillu allanik unioqqutitsisoqarneranik ilimagisaqarneq pineqarpat, nangitseqqinnerit naleqquttut tassaasinnaapput politiinut unnerluussineq nakkutilliinermiluunniit oqartussanut suliamut attuumassuteqartunut nalunaaruteqarneq.

Suliami suliffimmi sulisumit annertuumik kukkuneq aamma/imaluunniit sumiginnaanerit pineqarpata, nangitseqqinneq naleqquttoq tassaasinnaavoq atorfeqarnermi kinguneqartitsisinnaaneq, tassunga ilanngullugit assersuutigalugu mianersoqqusiineq soraarsitsinissarlunniit, siunertaralugit suliffimmi misissuineramik aallartitsineq

Suliami suleqatigisap annertuumik kukkunera aamma/imaluunniit sumiginnaanera pineqarpat, nangitseqqinneq naleqquttoq tassaasinnaavoq isumaqatigiissuteqarnermi suleqatigisamut kinguneqartitsinissaq assersuutigalugulu isumaqatigiissummik atorunnaarsitsinissaq siunertaralugit misissuineramik aallartitsineq.

Pasinapiluttoqarneranik kalerriisoqarsinnaatitsinermi immikkoortorta qarfiup nalunaarutinik tiguneqartunik nangitseqqinneq kisimi Inatsisartut inatsisaat malillugu piumasaqaataavoq. Pasinapiluttoqarneranik kalerriisoqarsinnaatitsinermi immikkoortorta qarfik tamassuma saniatigut assersuutigalugu atorfeqarnermi isumaqatigiissuteqarnermilu kinguneqartitsinissamik aallartitsinissamik aalajangiisinnaatitaassanersoq sulisitsisut ataasiakkaat aalajangissavat.

Imm. 2, nr. 3-mi siunnersuutigineqarpoq sulisitsisoq pasinapiluttumik kalerriisup sukkanerpaamik kingusinnerpaamillu nr.1 naapertorlugu uppersaammik tigusineraat qaammatinit pingasunit kingusinnerunngitsumik akissummik tigusinissaata qulakkeerneqarnissanut suleriaatsimik naleqquttumik atuutilersitsissasoq.

Tamanna kinguneqarpoq pasinapiluttoqarneranik kalerriisoqarsinnaatitsinermi immikkoortorta qarfiup akissuteqarnermut atatillugu nipangiussimasussaataanerit inatsisikkut aalajangerneqartut eqqortissagai, tassunga ilanngullugu pisortani oqartussat eqqarsaatigalugit inuit ataasiakkaat, tassunga ilanngullugu aningaasaqarnermi atugaat pillugit pisortat ingerlatsineranni suliassat suliarineqartarnerat pillugu inatsimmi § 27, imm. 1, nr. 1. Tamassuma kinguneraa pasinapiluttoqarneranik kalerriisoqarsinnaatitsinermut immikkoortorta qarfik nalunaarutip kinguneranik qanoq nangitseqqittoqarsimaneramik, tassunga ilanngullugu politiinut unnerluussineq, suliffimmi misissuineramik aallartitsineq

imaluunniit nakkutilliinermi oqartussanut suliamut attuumassuteqartunut nalunaaruteqarneq, pasinapiluttoqarneranik kalerriisoqarsinnaatitsinermut immikkoortortaarfik nalunaaruteqartussaataitanermik eqqortitsissasoq.

Pasinapiluttoqarneranik kalerriisoqarsinnaatitsinermut immikkoortortaarfik uppersaatip tiguneranit qaammatit pingasut iluanni naleqquttumik nangitseqqinnissamik aalajangiisimangippat, pasinapiluttumik kalerriisartoq tamanna pillugu, nalunaaruteqaaqqinnissarlu qaqugukkut ilimagineqarsinnaanersoq, nalunaarfigineqassaaq.

Imm. 3-mi siunnersuutigineqarpoq, suliffigisami pasinapiluttunik kalerriisinnaatitaanermi kinaaneq isortuullugu nalunaarutit suliarineqarnissaannik pisinnaatitaaffeqassanngitsoq. Aalajangersakkap tigusinermik uppersaanissaq pillugu § 12, imm. 12, nr 1-imi pisussaaffeqarnerup kinguneraa.

§ 13-imit

Imm. 1, nr. 1-imi siunnersuutigineqarpoq sulisitsisoq § 9 naapertorlugu suliffigisami pasinapiluttunik kalerriisinnaa ilaatinneqartoq suliffimmi pasinapiluttoqarneranik kalerriisoqarsinnaatitsinermut nalunaaruteqarnermi suleriaatsit pillugit ersarissumik paasiuminartumillu paasissutissiissasoq, tassunga ilanngullugu unioqqutitsineq sunniuteqartumik iliuseqarfigineqarsinnaappat pasinapiluttumillu kalerriisumut pillaammik akiniuteqartoqariannaasooqannginneranik naliliisoqarpat, suliffimmi namminermi nalunaaruteqarnissamik kaammattuineq.

Paasissutissani taamaattuni ilaapput unioqqutitsinerit suut nalunaarutigineqarsinnaanerannik kiallu nalunaaruteqarsinnaanerannik paasissutissat. Piumasaqaataavorli pasinapiluttumik kalerriisartoq suliffimmi avataaniluunniit pasinapiluttoqarneranik kalerriisoqarsinnaatitsinermut nalunaaruteqarnissamik nammineq aalajangiisinnaasoq peqatigitillugu paasissutissiissutigineqassaaq.

Paasissutissat inunnit aqqissuussinermi ilaasunit pissarsiarineqarsinnaanngortillugit takuneqarsinnaasumi pissarsiarineqarsinnaanngortinneqassapput, assersuutigalugu sulisitsisup nittartagaani intranetsimiluunniit, paasissutissallu pisariaqartitsineq malillugu ileqqorissaarneq innarligassaannnginnerlu pillugit pikkorissarnerni ilinniartitaanerlu pillugu isumasioqatigiinnerni aamma ilanngunneqarsinnaallutik

imm. 1, nr. 2-mi siunnersuutigineqarpoq sulisitsisup avataanut nalunaaruteqarnermut suleriaatsit pillugit paasissutissat ersarissumik paasiuminartumillu pissarsiarineqarsinnaanngortissagai, tak. kapitali 4.

Siunnersuutigineqarpoq sulisut amerlassusaannik naatsorsuineq inatsisissatut siunnersuummi § 9, imm. 1 tassungalu nassuiaatit naapertorlugit paasineqassasoq.

§ 14-imut

§ 14-imi siunnersuutigineqarpoq sulisitsisup § 9-mi § 15-imilu ilaatinneqartup pasinapiluttoqarneranik kalerriisoqarsinnaatitsinermut allaganngorlugit uppersarsaatit toqqortarissagai, tak. §§ 10-20.

Sulisitsisup taamaalilluni allaganngorlugu, oqaasiinnartigut taakkuluunniit ataatsikkut atorlugit nalunaaruteqartoqarsinnaanera – naleqqunneranilu – naapilluni ataatsimiinnermi oqaasiinnartigut nalunaaruteqartoqarsinnaanera uppersarsarsinnaassavaa.

Aamma pasinapiluttumik kalerriisoqarnermut immikkoortortaqarfimmi toqqaasimaneq allaganngorlugu uppersarsaammi allaqqassaaq, tassani inuup immikkoortortaqarfiulluunniit sumulluunniit attuumassuteqanngitsup nalunaarutinik tiguisarneq, nalunaarutinik nangitseqqiisarneq pasinapiluttumik kalerriisumut akissuteqarneq akisussaaffigissavai.

Aamma pasinapiluttoqarneranik kalerriisoqarsinnaatitsinerup pilersinneqarnikuunera imatullu ingerlanneqarnera pasinapiluttumik kalerriisup, inuup akuusup suleqatillu pingajuata kinaanerata isertuunneqarnerata qulakkeerneqarnera sulisullu akuerisaanngitsut paasissutissanik taamaattunik pissarsisinnaanerat aamma tiguisarnermut, suliaqartarnermut nangitsisarnermullu suleriaatsinik naleqquttunik atuutilersitsisoqarnikuusooq uppersarsarneqarsinnaassapput.

Sulisitsisup aamma avataani suliffimmilu pasinapiluttoqarneranik kalerriisoqarsinnaatitsinermut il.il. nalunaaruteqartarnermut suleriaatsit pillugit paasissutissat ersarissumik paasiuminartumillu tamanut saqqummiisimaneq allaganngorlugu uppersarsassavaa. Isumalluutinik avitseqatigiinnissamik periarfissaq atorneqarpat allaganngorlugu uppersarsaammi aamma allaqqassaaq.

Uppersarsaasiortussaataitaanertut siunnersuutigineqartumi tamanna pillugu kapitali 4-mi malittarisassatut siunnersuutigineqartut naapertorlugit pasinapiluttoqarneranik kalerriisoqarsinnaatitsinermut pilersitsisussaataitaanerup eqqortinneqannginneranik nalunaarutinik misissuisinnaanerup ajornannginnerulersinnissaa tassunga atatillugu pingaartumik siunertaavoq, Tassunga atatillugu oqaatigineqassaaq, uppersarsaasiortussaataitaanermik siunnersuutigineqartumik eqqortitsinnginneq nammineq akiliisitsinermik kinguneqarsinnaasoq, tak. § 30, imm. 2-tut siunnersuutigineqartoq.

§ 15-imut

Sulisitsisoq imm. 1-imi siunnersuutigineqartoq malillugu sulisut paasissutissanik § 1, imm. 1-imi ilaatinneqartunik nalunaaruteqarfigisinnaasaannik avataani pasinapiluttoqarneranik kalerriisoqarsinnaatitsinermik pilersitsissasut.

Aalajangersagassatut siunnersuutigineqartoq namminersortuni pisortanilu sulisitsisunut atuuppoq.

Pisortat ingerlatsineranni inatsisilerinermi immikkoortortaqaarfiit pisortat ingerlatsineranni suliassat suliarineqartarnerat pillugu inatsimmi ilaatinneqartut tamarmik ilaatinneqarput. Pisortat ingerlatsineranni suliassat suliarineqartarnerat pillugu inatsimmi § 1, imm. 1-imi allaqqavoq, inatsit pisortat ingerlatsineranni immikkoortunut tamanut atuuttoq. Inatsisilerinermi immikkoortortaqaarfiit tamarmik pisortat ingerlatsineranni suliassat suliarineqartarnerat pillugu inatsimmi § 1, imm. 1-imi ilaatinneqartut taamaalillutik inatsit manna malillugu pisortat § 3, imm. 1, ne. 14-imi nassuiserneqartutut ingerlatsinnerannut ilaatinneqarput.

Pisortat ingerlatsinerannut aamma ilaatinneqarput Inatsisartut sulisoqarfiillu tassunga ilaasut. Naalagaaffimmili oqartussaasut Kalaallit Nunaanniittunut tamatumaniilu eqqartuussiviit inatsimmut ilaangillat, kisiannili Inatsisinik Atortitsinermut Ministereqarfik oqartussaasunut taakkununga danskit inatsisaannik atulersitsisinnaapput.

Namminersorlutik inuussutissarsiuteqartuni taamaalillutik ilaapput inatsisilerinermi immikkoortortaqaarfiit allat tamarmik, pisortat ingerlatsineranni suliassat suliarineqartarnerat pillugu inatsimmi § 1, imm. 1-imi ilaatinneqanngitsut aamma Inatsisartut sulisoqarfiillu tassunga ilaasut, § 3, imm. 1, nr. 15-imi nassuiaaserneqartutut naalagaaffiup Kalaallit Nunaanni sulisoqarfiisa, tassunga ilanngullugit eqqartuussiviit, ataaniingitsut.

Siunnersuutigineqarpoq taaguut ”sulisitsisoq” (inatsisit naapertorlugit immikkoortoq) CVR pillugu inatsimmi taaguutip ”inatsisit naapertorlugit immikkoortoq” nassuiarneqarnera naapertorlugi siunnersuummi matumani paasineqassasoq. Naapertuutsitsinissatut siunnersuutigineqartoq taamaalilluni kinguneqarpoq sulisitsisut tamarmik CVR-normoqartut amerlaqatigiinnik amerlanerusunillunniit sulisoqartut Naalakkersuisunit aalajangerneqartutut suliffimmi pasinapiluttoqarneranik kalerriisoqarsinnaatitsineq periarfissami ilaatinneqassasut.

Pisortani sulisitsisut tamarmik, sulisuisa amerlassusii apeqqutaatinnagit, avataani aaqquussamik pilersitsinissamik pisussaataapput, namminersorlutillu sulisitsisut 30-nik

amerlanersunilluunniit sulisullit avataani pasinapiluttoqarneranik kalerriisoqarsinnaatitsinermut pilersitsinissamik pisussaatitaallutik. Sulisut amerlassusaannik naatsorsuinermi sulisut suliffeqarnermi namminneq suliaqarnerminnut akissarsiaqartut tamarmik sunik suliaqarnerat apeqqutaatinnagu ilanngunneqassapput. 30-nik sulisoqarnissamik killigititaq sulisitsisut immikkoortunut aalajangersimasunut malittarisassat atuuffiannut ilaatinneqartut eqqarsaatigalugit atuutinngilaq.

30-nik sulisoqarnermut killigititaq suliffeqarfiit aningaasaqarnikkut artukkerneqannginnissaannik tunngaveqarpoq, tamatumani sulisut Inatsisartut inatsisaata ataani pisinnaatitaaffeqarnissaat qularnaarniarlugu. Naatsorsueqqissaartarfiup paasissutissai tunngavigalugit namminersorlutik suliffeqarfiit 50-70-it missaanniit inatsisartut inatsisaanut ilaatinneqarpt.

Pasinapiluttoqarneranik kalerriisoqarsinnaatitsinerit imm. 3-tut siunnersuutigineqartoq malillugu immikkoortunut aalajangersimasunut inatsisit naapertorlugit pilersinneqassapput. Sulisitsisut taakkunani ilaatinneqartut avataani pasinapiluttoqarneranik kalerriisoqarsinnaatitsineq atuuttoq pioreersumut ilanngunneqassanersoq imaluunniit Inatsisartut inatsisaanni malittarisassanik eqqortitsilluni immikkut pilersitsissanerlutik namminneq aalajangissavaat.

Sulisitsisup qanorluunniit pisoqaraluarpat aqqissuussinermi imaluunniit aqqissuussinerni malittarisassat tassunga atasut eqqortinneqarnissaat isumagissavaa.

Siunnersuutigineqarpoq Naalackersuisut namminersorlutik sulisitsisut qassinik sulisoqarneranik killissamik appaanissamut, pasinapiluttoqarneranik kalerriisoqarsinnaatitsinermut pilersitsinissamut killissamik annikilliliinissamut piginnaatinneqassasut. Tamanna attuumassuteqassaaq, allaffissornikkut oqartussaq suliffeqarfiit minnernut ataatsimut isaavimmik, aningaasartuutitigut oqimaaqatigiittumik, pilersitsinermik misilittagaqalerpat. Taamaasiornikkut namminersorlutik sulisitsisut 20-nik, qulinik imaluunniit tallimanik sulisullit aqqissuussamut ilaatinneqarsinnaassapput, tamannalu isumaqarpoq suliffiit 88-it, 167-it imaluunniit 286-it tamatumunnga aamma ilaatinneqarsinnaassapput.

Oqaatigineqassaaq aalajangigassatut siunnersuummi taamaallaat sulisitsisut suliffimmi pasinapiluttoqarneranik kalerriisoqarsinnaatitsinermik sulisitsisut sulisuminnut atugassiinissaannut periarfissiisoqartoq. Tamassumali sulisitsisup pasinapiluttoqarneranik kalerriisoqarsinnaatitsinerup saniatigut sulisunit allanit, tassunga ilanngullugit sulisut

immikkoortuinit allanit, atorneqarsinnaalersitsineranik aalajangernissaa pinngitsoortissinnaanngilaa. Pingaartumik tassaasinnaapput pilersuisut suliaqarnermilu pilersuisut, piunassutsiminnik sulisut, akissarsiaqarlutik akissarsiaqarnatilluunniit sulinermik misiliisut, inuit sulisitsisumi siusinnerusukkut sulisimasut paasissutissanillu pineqartup sulisitsisumi sulinermini pissarsiaminik aamma sulinerup aallartinnginnerani pineqartup sulilernissamut atatillugu pissarsiarisaminik imaluunniit isumaqatigiissutissat allat isumaqatigiinniutiginnissaat sioqqullugu pissarsiarisaminnik nalunaaruteqartut

Aamma imm. 4-mi siunnersuutigineqarpoq, sulisitsisut sulisitsisut namminersortut avataani aaqjissuussinernut nalunaarutit taamaattut kingunerannik suliarineqatussanik nalunaarutininik tigusineq misissuisinnaanerillu eqqarsaatigut isumalluutinik avitseqatigiissinnaassasut.

Kisianni suliffeqarfiit ataasiakkaat avataaniluunniit suleqatit pasinapiluttumik kalerriisumut nalunaaruteqarnissamik tak. siunnersutigineqartut § 12, imm. 2, nr. 3 aamma § 17, imm. 1 nr. 3, unioqutitsinernillu pinaveersimatitsinissamik suli akisussaaffeqarput. Aamma suliffeqarfik avataaniluunniit suleqatigisat pingajuata pasinapiluttumik kalerriisup kinaanerata isortuunnissaanut akisussaaffeqarput, tak. § 24-tut siunnersuutigineqartoq.

§ 16-imut

Imm. 1-imi siunnersuutigineqarpoq avataani pasinapiluttoqarneranik kalerriisoqarsinnaatitsinermik allaganngorlugu oqaasiinnartigullu nalunaaruteqarsinnaatitsisoqassasoq pasinapiluttumik kalerriisullu qinnuiviginninneratigut piffissaliussap naleqquttup iluani naapillugu ataatsimiinnermi nalunaaruteqarsinnaatitsisoqassasoq.

Tamanna pillugu nalunaarutit, naapilluni ataatsimiinneq piffissarititallu naleqquttup pillugit § 10, imm. 1-imut nassuiaatit takukkit.

Siunnersuutigineqarpoq suliassat § 18-imi taaneqartut avataani suleqatit pingajuannit nalunaarutit Inatsisartut inatsisaat malillugu suliarineqarnerannut piunasaqaatinik eqqortitsisussamit suliarineqartassasut. Aalajangersagaq malillugu suleqatit pingajuata toqqarneqartup sulisitsisumut tunngatillugu avataaniittuunissaa piunasaqaataavoq.

Avataani pasinapiluttoqarneranik kalerriisoqarsinnaatitsineq taamaalilluni avataani pilersuisumut tamakkiisumik suliakkiutigineqarpoq. Avataani suleqatit pingajui naleqquttup assersuutigalugu tassaasinnaapput nalunaaruteqartarfinnik avataani neqerooruteqartut, avataani eqqartuussissuserisut kukkunersiuisulluunniit. Piginneqatigiiffik suliffissuaatilik

peqqussutip imarisaa naapertorlugu avataanit pingajuusinnaanngitsoq. Tamassuma assersuutigalugu kinguneraa piginneqatigiiffik pingaarnerusoq piginneqatigiiffiutiminut allanut avataanit pingajuusinnaanngitsoq.

Sulisitsisoq taamatut avataani suliakkiinermi inatsisit manna malillugu pisussaaffini eqqortinngitsoorsinnaanngilai, aamma suliffeqarfik oqartussallu avammut suliakkiinermi atuisut taamaalillutik aaqqissuussinermi inatsisitigut piumasaqaatit sulianut attuumassuteqartut tamaasa eqqortinnissaannut suli akisussaaffeqarput. Tamanna tunngavigalugu piumasaqaataavoq avataani suleqatit pingajuata sumulluunniit attuumassuteqannginnissamik, paasissutissanik suliaqartarnermut nipangiussimasussaataitanermullu il.il. Inatsisartut inatsisaanni piumasaqaatinik eqqortitsinissaq allaganngorlugu qularnaassavaa.

Naalackersuisut imm. 2-tut siunnersuutigineqartoq malillugu § 16 malillugu avataani pasinapiluttoqarneranik kalerriisoqarsinnaatitsinermut piumasaqaatinik sukumiinerusunik aalajangersaasinnaapput.

§ 17-imut

§ 17, imm. 1, nr 1-imi siunnersuutigineqarpoq, avataani pasinapiluttoqarneranik kalerriisoqarsinnaatitsinermi avataani suleqatit pingajuannik nalunaarutininik tigusisarnermik akisussaasussamik pasinapiluttumik kalerriisumillu attaveqartussamik toqqaasoqassasoq.

Imm. 1, nr. 2-mi aamma siunnersuutigineqarpoq, avataani pasinapiluttoqarneranik kalerriisoqarsinnaatitsinermi avataani suleqatit pingajuannik § 18, imm. 2, nr. 2-tut siunnersuutigineqartoq naapertorlugu nalunaarutininik tiguneqartunik nangitseqqinnissamik akisussaasussamik toqqaasoqassasoq.

Naggasiullugu imm. 1, nr. 3-mi siunnersuutigineqarpoq, avataani pasinapiluttoqarneranik kalerriisoqarsinnaatitsinermi avataani suleqatit pingajuannik § 18, imm. 2, nr. 3-tut siunnersuutigineqartoq naapertorlugu pasinapiluttumik kalerriisartumut akissuteqarnissamik akisussaasumik toqqaasoqassasoq.

Imm. 2-mi siunnersuutaavoq, sulisitsisut suliffeqarfissuarmi imminnut atasut § 15-ip ataaniittoq suliffeqarfiit ingerlatseqatigiiffissuarnut ilaasut sinnerlugit avataani suliamut ilaasoq assinga, tamatumanilu ilaasoq manna Inatsisartut inatsisaanni piumasaqaataatit naapertorlugit nammineernermut, paasissutissanik illersuinermut nipangiussimasussaataitanermut il.il. naapertorpagit, suliffimmi pasinapiluttoqarneranik kalerriisoqarsinnaatitsinermik pilersitsisinnaassasoq.

Imm. 3-mi siunnersuutigineqarpoq imm. 2-p atuutinnginnissaanik Naalakkersuisut malittarisassiorsinnaasut, taamaalilluni suliffeqarfiit suliffeqarfissuarmi imminnut atasut aaqqissuussinerit ataatsimoorussinnaanagit, suliffeqarfiilli ataasiakkaat immikkut aaqqissuussaqqassasut.

§ 18-imut

§ 18, imm. 1-imi siunnersuutigineqarpoq, avataani pasinapiluttoqarneranik kalerriisoqarsinnaatitsineq imatut ilusilersorneqassasoq, pilersinneqassasoq ingerlanneqassasorlu paasissutissat tamakkiisuunerat, innarligassaanninneq isertuussinerlu aamma inuit akuerisaanngitsut taakkuninnga pissarsisinnaannginnerat qulakkeerneqarluni.

Aalajangersagaq kinguneqarpoq, sumulluunniit attuumassuteqanngitsunik aqutsisoqarluni nalunaarfiusinnaasumik immikkut ingerlatsivimmik pilersitsisoqassasoq. Aalajangersagaq siunnersuummi § 24-mut atatillugu isigineqassaaq, tassani aalajangersarneqarpoq inuit paasissutissat pasinapiluttumik kalerriisullu kinaanera pillugit nipangiussimasussaataitaasut.

Imm. 2, nr. 1-imi siunnersuutigineqarpoq avataani pasinapiluttoqarneranik kalerriisoqarsinnaatitsinermi pasinapiluttumik kalerriisartoq erseqqissumik allatut qinnuiviginninngippat imaluunniit nalunaarutip uppersarsarnerani pasinapiluttumik kalerriisartoq kinaanerat illersorneqarnera navianartorsiortinneqarnissaanik isumaqarnissaq tunngavissaqarpat, pasinapiluttumik kalerriisartoq nalunaarutip tiguenerata kingorna qaammatisiutit malillugit ullut arfineq marluk iluanni uppersarsaammik tigusinnissaanik suleriaatsinik naleqquttumik pilersitsisoqassasoq.

Tamanna pillugu uppersarsaanerup piffissallu ilusilersornerat pillugu § 12-imut nassuiaatit takukkit.

Imm. 2, nr. 2-mi siunnersuutigineqarpoq avataani pasinapiluttoqarneranik kalerriisoqarsinnaatitsinermi nalunaarutininik peqqissaartumik nangitseqqinnissamik qulakkeeriniffiusunik suleriaatsinik naleqquttumik atuutilersitsisoqassasoq.

Tamanna pillugu nalunaarutininik nangitseqqinneq pillugu § 12-imut nassuiaatit takukkit

Imm. 2, nr. 3-mi siunnersuutigineqarpoq avataani pasinapiluttoqarneranik kalerriisoqarsinnaatitsinermi pasinapiluttumik kalerriisartoq uppersarsaatip tigueneranit qaammatit pingasut imaluunniit naleqquttumik tunngavilersuisoqartillugu qaammatit arfinillit

qaangernagit piffissarititap naleqquttup iluani akissummik tigusinissaa qulakkeerlugu suleriaatsinik naleqquttunik atuutilersitsisoqassasoq.

Tamanna pillugu pasinapiluttumik kalerriisartumut akissuteqarneq pillugu § 12-mut nassuiaatit takukkit.

Imm. 2, nr. 4-mi siunnersuutigineqarpoq avataani pasinapiluttoqarneranik kalerriisoqarsinnaatitsinermi pasinapiluttumik kalerriisartoq nr. 3 malillugu akissuteqarnermut atatillugu taamatut nalunaaruteqartoqanngippat nalunaaruteqarnerup kinguneranik misissuinerup inernivia pillugu tigusaqarnissaanik qulakkeerinnittussamik suleriaatsinik naleqquttunik atuutilersitsisoqassasoq.

Imm. 2, nr. 5-imi siunnersuutigineqarpoq avataani pasinapiluttoqarneranik kalerriisoqarsinnaatitsinermi pasinapiluttumik kalerriisup § 25, imm. 4 naapertorlugu paasissutissanik ingerlatseqqinnginnermi tunngavilersukkamik allaganngorlugu tigusaqarnissaanik qulakkeerinnittumik suleriaatsimik naleqquttumik atuutilersitsisoqassasoq. Nalunaarut taaneqartoq allagaassaaq aammalu paasissutissanik isertuussanik pineqartunik ingerlatitseqqinnermut tunngavilersuummik imaqassalluni.

Nalunaarut taaneqartoq allanngorsimassaaq, paasissutissanillu isertuussanik pineqartuni ingerlatsitseqqiinnermut tunngavilersuummik imaqassalluni.

Imm. 3-mi siunnersuutigineqarpoq avataani pasinapiluttoqarneranik kalerriisoqarsinnaatitsinermi nalunaarutit § 1, imm. 1 naapertorlugu inatsisip atuuffianut ilaanngitsut itigartinneqarsinnaasut, avataanilu pasinapiluttoqarneranik kalerriisoqarsinnaatitsinermut aaqquissuussivik taakkuninga oqartussat allanut ingerlatitseqqinnissamut pisussaaffeqartoqanngitsoq.

§ 19-imut

Imm. 1, nr. 1-imi siunnersuutigineqarpoq sulisitsisoq § 15-imi ilaatinneqartoq avataani pasinapiluttoqarneranik kalerriisoqarsinnaatitsinermut nalunaaruteqarnermi suleriaatsit pillugit sulisuminut ersarissumik paasiuminartumillu paasissutissiissasoq.

Paasissutissani taamaattuni ilaapput unioqqutitsinerit suut nalunaarutigineqarsinnaanersut kinalu nalunaaruteqartoqarsinnaanersooq.

Paasissutissat inunnit aaqqissuussinermi ilaasunit pissarsiarineqarsinnaanngortillugit taku-
neqarsinnaasumi pissarsiarineqarsinnaanngortinneqassapput, assersuutigalugu sulisitsisup
nittartagaani intranetsimiluunniit, paasissutissallu pisariaqartitsineq malillugu
ileqqorissaarneq innarligassaanninnerlu pillugit pikkorissarnerni ilinniartitaanerlu pillugu
isumasioqatigiinnerni aamma ilanngunneqarsinnaallutik

Avataani pasinapiluttoqarneranik kalerriisoqarsinnaatitsinermi avataani suleqatit pingajuanni
paasissutissat ersarissumik allaqqanissaat pingaaruteqartorujussuuvoq.

§ 20-mut

Imm. 1-imi siunnersuutigineqarpoq avataani pasinapiluttoqarneranik
kalerriisoqarsinnaatitsinermi paasissutissat unioqquitsinernik ersarissumik
mianernanninnerusunik nangitseqqinnissamillu pisariaqarfiunngitsunik imaqartut
suliarineqarnerisa naammassineqarnissaannik aalajangiisoqarsinnaasoq.

Paasissutissat taamaattut assersuutigalugu tassaasinnaapput aalajangersakkanik
siunnersuummi § 1, imm. 1 naapertorlugu Inatsisartut inatsisaata atuuffianut ilaasunik
annikinnerusumik unioqquitsinerit. Assersuutigalugu tassaasinnaapput saniatigut
aalajangersakkanik unioqquitsinerit pillugit nalunaarutit, assersuutigalugu
uppernarsaasiortussaataaneq nalunaaruteqartussaataanerlu pillugit aalajangersakkat.
Pissutsinik suliamilu pissusivinnik naleqquttumik nalilersuineq tunngavigalugu taamatut
aalajangiisoqassaaq.

Inatsisartut inatsisaanni § 1 umm, 1 ilanngullugu aalajangersagaq § 20, imm., 1, nr. 1 imatut
paasineqassasoq avataani pasinapiluttoqarneranik nalunaaruteqarsinnaatitaaviup suliap
tunniussinerup kingorna allaqqasup “annikitsumik ilungersunarpoq” suliarinera
naammassisinnaagaa.

Taamatut aalajangiisoqarpat pisussaaffiit allat siunnersuummilu tamanna pillugu
aalajangersakkanik unioqquitsinerit allat pinngitsoortinnissaannut suleriaatsit allat
kalluarneqanngillat. Aamma illersuineq inuit siunnersuummi illersorneqarnermut
ilaatinneqartut illersorneqarnerat aamma kalluarneqanngilaq.

Imm. 2-mi siunnersuutigineqarpoq imm. 1 malillugu aalajangiinerit allaffissornermi
oqartussanut suliassanngorteqqinneqarsinnaanngitsut. Taamaallaat aalajangiinerit
allaffissornermi oqartussanut allanut suliassanngorteqqinneqarsinnaanngitsut pineqarput.
Pasinapiluttumik kalerriisup avataani suleqatit pingajuata pasinapiluttumik
kalerriisoqarnermut atatillugu Inatsisartut inatsisaanni aalajangersakkanik eqqortitsinnginnera

misigippagu, taanna Naalackersuisumut suliaqarfimmik akisussaasumut maalaarutigineqarsinnaasoq. Annertunerusut § 27-mi takukkit.

§ 21-mut

§ 21-mi allaqqavoq, inuit pillugit paasissutissat inatsit manna naapertorlugu nalunaarutit pasinapiluttoqarneranik kalerriisoqarsinnaatitsinermi pilersinneqartup ilaatut tiguneqartut suliarinerannut pisariaqarpata suliarineqarsinnaapput.

Pisortani oqartussat namminersortullu aalajangersagassatut siunnersuutigineqartumi piginnaatitsisoqarneratigut nalunaarutip aalajangersimasup pasinapiluttoqarneranik kalerriisoqarsinnaatitsinerup inatsit manna naapertorlugu pilersinneqartup ilaatut tiguneqartup suliarineranut pisariaqarpat, inuit pillugit paasissutissat suliarisinnaavaat. Tamanna assersuutigalugu pisinnaavoq oqartussat namminersortulluunniit nalunaarummik tiguneqartumik misissuinerannut atatillugu. Taamaalilluni aalajangersakkap atorneqarsinnaaneranut pasinapiluttoqarneranik kalerriisoqarsinnaatitsinermik inatsisissatut siunnersuut naapertorlugu pilersinneqartumi suliarinninnissaq piumasaqaataavoq.

Pisariaqartuunera pillugu aalajangersakkami piumasaqaatip kinguneraa, paasissutissanik akisussaasup inuit pillugit paasissutissat tiguneqartut suliarinissaat pisariaqartinneqarnissaq nalilersuissaaq.

Kisianni sulisoqarfiit Inatsisartut ataaniittut eqqarsaatigalugit, taakku inuit pillugit paasissutissat pillugit inatsimmi ilaatinneqanngillat.

§ 22-mut

Nalunaarutit tiguneqartut nalunaarsorneqassasut, nalunaarsuinerlu taanna nipangiussimasussaataaneq § 24-mi aalajangersarneqartoq naapertorlugu pissassaaq imm. 1-imi siunnersuutigineqarpoq.

Aalajangersakkami siunertaq pingaartumik tassaavoq nalunaarutini tiguneqartuni uppenarsaatinik qulakkeerinninnissap tapersernissaa, taamaalilluni nalunaarutit tiguneqartut eqqartuussivimmut atuutsitsinermi suliassanngortitsisoqarpat il.il. atatillugu atorneqarsinnaaniassammata.

Nalunaarutininik tiguneqartuninik nalunaarsuinermi aamma siunertaavoq inuit pinerlussimanermit suliakkiisinaanermit imaluunniit paasissutissat nalunaarutigineqartut uppenarsaatit il.il. atorneqarnerannut atatillugu sunniuteqartumik imminnut illersorsinnaatitaanerisa qulakkeerneqarnissaa.

Nalunaarsuisussaatitaanertut siunnersuutigineqartumi aamma pasinapiluttumik kalerriisarnermut immikkoortortaarfik taamatut ataatsimoortitsinermi naleqquttumik nangitseqqinnissaq pinngitsoortitsinissarlu nalunaarutit ataasiakkaat tunngavigalugit pisinnaatinnagit pissutsimi ataatsimi nalunaarutinit arlalinnit paasissutissat ataatsimoortinneqarsinnaanerisa qulakkeernissaa. Nalunaarummik nalunaarsuineq, unioqqutitsinerup il.il. pinngitsoortinneqarnissaanik siullermik kinguneqarsinnaanngitsoq, taamaalilluni kingusinnerusukkut atorneqarsinnaalersinneqassaaq suliffimmilu pineqartumi unioqqutitsinerit pinngitsoortinnissaannut tapersiilluni.

Nalunaarsuisussaatitaaneq uppersaatinut pasinapiluttumik kalerriisup nalunaaruteqarnerata kinguneranik tiguneqartunut tamanut atuuppoq.

Tamanna pillugu nalunaarsuivimmi paasissutissanik killilimmik pissarsiaqarsinnaaneq pillugu § 12-imut nassuiaatit takukkit.

Imm. 2-mi siunnersuutigineqarpoq inatsit manna naapertorlugu nalunaarutit taamaallaat inatsisimmi matumani piumasaqaatit eqqortinneqarnissaannut pisariaqartillugu pingaaruteqarnerallu malillugu toqqortarineqassasut.

Nalunaarutit aalajangersagaq malillugu qanoq sivisutigisumik toqqortarineqassanersut aalajangerneqarsinnaanngilaq. Tamassumani nalunaarutit siusinnerusukkut tiguneqartut toqqortarinissaasa pisariaqarnerat pingaaruteqarnerannillu pasinapiluttumik kalerriisarnermut immikkoortortaarfiup pineqartup ingerlaavartumik naliliisarnera apeqqutaavoq. Inuit pillugit paasissutissanik illersuineq pillugu inatsisini malittarisassat naapertorlugit toqqortarinnineq aalajangersakkamut nalinginnaasumik naapertuutissapput.

Nalunaarutip suli toqqortarineqarsinnaanerani naliliinermi pingaartumik inatsisissatut siunnersuut malillugu illersorneqarsinnaatitaasut nalunaarummik pineqartumik uppersaanissamik pisariaqartitsilernissaasa ilimanarnera ilanngunneqassaaq. Aamma suli toqqortarinninnissamut nalunaarummi pineqartumi pissutsip assinganik kingusinnerusukkut takkuttumik qularunnaarsitsisoqarsinnaanerani isumaqarnissamut pissutissaqarsinnaanera tunngaviussaaq, assersuutigalugu pasinapiluttumik kalerriisarnermut immikkoortortaarfik pineqartoq nalunaarutip suussusiata assinganik arlaleriarluni tigusaqartarnikuunera pissutigalugu.

§ 23-mut

Imm. 1-imi siunnersuutigineqarpoq, oqaasiinnartigut nalunaarutit oqaloqatigiinnerit ataatsimiinneriluunniit immiunnerisigut imaluunniit ataatsimiinnermit oqaloqatigiinnermillu pasinapiluttumik kalerriisup misissussallugit, naqqissallugit periarfissaqarfigisaanik eqqortumik takutitsisumik imaqarniliornikkut imaqarniliarlu atsiorlugu akuersineratigut uppersarneqassasut.

Pasinapiluttumik kalerriisartoq akuersinngippat, pasinapiluttumik kalerriisarnermut immikkoortortaqarfik taamaalilluni pasinapiluttumik kalerriisup misissussallugu, naqqissallugu imaqarniliarlu atsiorlugu, akuerinissaanik periarfissarisaanik eqqortumik takutitsisumik imaqarniliornikkut imaluunniit imm. 2-tut siunnersuutigineqartoq naapertorlugu oqaloqatigiinnermit eqqortumik takutitsisumik assiliilluni allakkiornikkut nalunaarummik nalunaarsuissaq.

Imm. 2-mi siunnersuutigineqarpoq, digitalinngorlugu attaveqaatikkut oqaasiinnartigut nalunaarutit aamma oqaloqatigiinnermit eqqortumik takutitsisumik pasinapiluttumik kalerriisup misissussallugu, naqqissallugu periarfissaqarfigisaanik allakkiornikkut allakkiarlu atsiorlugu akuersineratigut aamma uppersarneqarsinnaasut.

§ 24-mut

Imm. 1-imi aalajangersakkakut siunnersuutigineqarpoq nalunaarutininik tiguisartussatut suliarinnittartussatullu toqqarneqartoq, tak. § 11 aamma § 18, paasissutissat tassunga ilaasut eqqarsaatigalugit nipangiussimasussaataasooq.

Aalajangersagassatut siunnersuutigineqartumi immikkut nipangiussimasussaataaneq atuutilersinneqarpoq. Nipangiussimasussaataaneq namminersorluni inuussutissarsiutini siunnersuummi suliffimmi pasinapiluttoqarneranik kalerriisoqarsinnaatitsinernut kapitali 3-imi ilaatinneqartunut tamatut atuuppoq. Nipangiussimasussaataaneq aamma avataanit pasinapiluttoqarneranik kalerriisoqarsinnaatitsinernut siunnersuummi kapitali 4-mi ilaatinneqartut atuupput.

Immikkut nipangiussimasussaataaneq ilaatigut kinguneqarpoq pissutsini aalajangersakkami ilaatinneqartuni pisortat ingerlatsineranni suliaassanik suliarinnittarneq pillugu inatsit malillugu allagaatinik takunnissinnaatitaanermut ilaatinneqassanngitsut.

Imm. 2-mi siunnersuutigineqarpoq imm. 1-imi nipangiussimasussaataaneq taamatuttaaq inunnut § 25 malillugu ingerlatitseqqiinikkut paasissutissanik imm. 1-imi taaneqartunik ilisimasaqalersunut atuutissasooq.

Imm. 2-tut aalajangersagassatut siunnersuutigineqartoq kinguneqarpoq, inuit siunnersuummi § 2-mi aalajangersagassatut siunnersuutigineqartoq naapertorlugu akuerisaasumik ingerlatitsinissamut atatillugu pasinapiluttumik kalerriisup kinaaneranik ilisimasaqalersut imaluunniit paasissutissat allat aallaavigalugit pasinapiluttumik kalerriisup kinaaneranik toqqaannartumik toqqaannangitsumilluunniit paasisaqartoqarsinnaatillugu (tassa paasissutissat imm. 1-imi taaneqartut) sulisut paasissutissanik akuerisaasumik ingerlatitseqqiisinnaasut assigalugit nipangiussimasussaatitaasut.

Imm. 3-mi siunnersuutigineqarpoq, imm. 1-imi nipangiussimasussaatitaaneq taamatuttaaq suliffeqarfanni oqartussaniluunniit sulisunut akuerineqanngitsunut avataani pasinapiluttoqarneranik kalerriisoqarsinnaatitsinernut, tak. § 16. paasissutissanik imm. 1-imi taaneqartunik siunertarineqanngitsumik ilisimasaqalersunut atuutissasoq.

§ 25-mut

Immikkoortoq 1-imi siunnersuutigineqarpoq, pasinapiluttumik kalerriisup kinaanera pillugu paasissutissat taakkunani pasinapiluttumik kalerriisup kinaanera toqqaannartumik toqqaannangitsumillu paasineqarsinnaalluni, sulisut nalunaarutininik tiguisinnaatitaasut nangitseqqinneqarsinnaasutullu akuerineqartut, tak. § 11, imm. 1 aamma § 18, saniatigut pasinapiluttumik kalerriisartoq ersarissumik akuersisimatinnagu allanut ingerlateqqinneqassanngitsut.

Sulisut akuerisaasut § 11, 1 aamma § 17 naapertorlugu nalunaarutininik tiguisartussatut nangitseqqiisartussatullu toqarneqartut aalajangersagassatut siunnersuut malillugu pasinapiluttumik kalerriisup kinaaneranik il.il. paasissutissanik sulisut akuerisaasut ataasiakkaat § 24, imm. 1 malillugu nipangiussimasussaatitaanermik unioqqutitsinatik akornermimmi avitseqatigiissinnaasasut.

Imm. 2-mi siunnersuutigineqarpoq paasissutissat imm. 1-imi ilaasut, tak. § 1, imm. 1, aatsaat unioqqutitsineq iliuuseqarfiginarlugu imaluunniit inuit akuusut imminnut illersorsinnaatitaanerisa qulakkeernissaa siunertaralugu pippat, pasinapiluttumik kalerriisartoq akuersippat pisortani oqartussanut allanut ingerlateqqinneqassasut.

Aalajangersagassatut siunnersuutigineqartoq malillugu unioqqutitsinerit nalunaarutigineqartut pinngitsoortinnissaat misissornissaallu siunertaralugu ingerlatitseqqiisinnaassaaq, tassunga ilanngullugit politiinut imaluunniit immikkoortumi nakkutilliinermi oqartussanut suliamut attuumassuteqartunut, assersuutigalugu pasinapiluttumik kalerriinermi immikkoortorta qarfiup misissuineranut atatillugu imaluunniit eqqartuussivimmi suliaqarnermut atugassatut, tassunga ilanngullugu inuit akuusut imminnut illersorsinnaanerisa qulakkeernissaanut pisariaqartillugu,

Finanstilsynimut, Datatilsynimut imaluunniit akileraartarnermi nakkutilliinermi oqartussanut suliamut attuumassuteqartunut.

Aalajangersagaq naapertorlugu paasissutissat oqartussanut akuusinnaasunut ingerlateqqinneqarsinnaanngillat, assersuutigalugu pasinapiluttumik kalerriisartoq erseqqissumik akuersisimatinnagu pasinapiluttumik kalerriisup pineqartup suliffianut.

Akuersineq imatut paasineqassaaq, piumassutsimik, aalajangersimasumik paasisimasaqarlunilu piumassusermik nalunaaruteqarneq, tassani paasissutissani pineqartoq paasissutissat ingerlateqqinneqarsinnaanerannik akuersissalluni. Akuersineq uterteqqinneqarsinnaavoq.

Pasinapiluttumik kalerriisartup tamanut saqqummiinermut atatillugu kinaanini piaaraluni paasitippagu, pineqartup kinaanerata illersorneqarnissaata immikkut mianerineqarnissaa atorunnaassaaq.

Imm. 3-mi siunnersuutigineqarpoq, paasissutissanik allanik imm. 1-imi taaneqartunik nalunaaruteqarnerup saniatigut paasissutissanik tiguisussanik ingerlatitseqqittussanillu toqqarneqarsimasunut aatsaat ingerlatitseqqiiisoqarsinnaasoq, tak. §11, imm. 1 aamma § 17, nalunaarutigineqartoq iliuseqarfiginarlugu, imaluunniit unioqqutitsinerit pinngitsoortinniarlugit iliortoqarpat, tak. § 1, imm. 1.

Assersuutigalugu nalunaarutigineqartumik unioqqutitsisoqavittoqarnersoq imaluunniit unioqqutitsisoqavissimanersaq misissorniarlugu paasissutissat suliffeqarfimmi oqartussaniluunniit namminerni avitseqatigiissutigineqarsinnaapput. Aamma nangitseqqinnissaq pinaveersimatitsinissarlu siunertarlugit avataani unioqqutitsisoqarneranik ilimagisat pillugit paasissutissat avitseqatigiissutigineqarsinnaapput. Aalajangersagaq naapertorlugu paasissutissanik assersuutigalugu ingerlatseqatigiiffiit suliffeqarfissuarmi imminnut atasut akornanni avitseqatigiittoqarsinnaavoq, assersuutigalugu unioqqutitsinertut oqaatigineqartoq pillugu paasissutissanik annertunerusunik pissarsinissaq siunertaralugu imaluunniit nalunaarutigineqartumik pineqartumik naleqquttumik qanoq nangitseqqittoqarsinnaaneramik isumasiueqatigiinnissaq ilitsersorneqarnissarluunniit siunertaralugu. Paasissutissanik taamaattunik ingerlatitseqqinnermut atatillugu ingerlatitseqqiivigineqartup ingerlatitseqqiiisutullu paasissutissat imarisaat nipangiussimasussaataaananeramik erseqqissumik ilisimatinnissaa piumasaqaataavoq, tak. § 24, imm. 2.

Imm. 4-mi siunnersuutigineqarpoq nalunaaruteqarnermi misissuinerit eqqartuussivimmiluunniit suliat suliamut attuumassuteqartut navianartorsiortinneqanngippata imm. 2 malillugu ingerlatitseqqiinnginnermi pasinapiluttumik kalerriisartoq nalunaarfigineqassasoq.

Aalajangersakkap kinguneraa pasinapiluttumik kalerriisarnermut immikkoortortaqaqarfiup paasissutissat nakkutilliinermi oqartussanut suliamut attuumassuteqartunut ingerlatseqqinneqartillugit pasinapiluttumik kalerriisartoq aallaaviusumik ilisimatissagaa, tassunga ilanngullugit politiinut unnerluussisussaataasunullu, ingerlatitseqqinnerlu pasinapiluttumik kalerriisartup kinaaneranik imaluunniit kinaaneranik paasinnissutaasinnaasunik paasissutissanik imaqartillugu.

Pasinapiluttumik kalerriisarnermut immikkoortortaqaqfik ilisimatitsinermi misissuinerit eqqartuussivimmilu suliat navianartorsiorneqartillugit taamatut ilisimatitsinngissinnaavoq. Tamanna pingaartumik pissaaq ilisimatitsinermi uppersaartit toqqortorneqariaannaatillugit suujunnaarsinneqariaataannaatillugillu, ilisimanittut il.il. sunnarniarneqariaannaatillugit, imaluunniit pasinapiluttumik kalerriisartoq piaaraluni eqqunngitsumik nalunaaruteqarneranik pasitsaassaartoqartillugu il.il.

Imm. 5-imi siunnersuutigineqarpoq, Pisortat ingerlatsineranni suliassat suliarineqartarnerat pillugu Inatsisartut inatsisaanni peqataasup suliassanut tunngasunik ilisimasaqarnera, peqataasup isumaanik tusarniaaneq tunngavilersuinerlu pillugit kapitalit 4-6 paasissutissanut imm. 1-imi taaneqartunut atuutinngitsut.

Aalajangersagaq, nalunaarutinik ingerlatsineranut oqartussani suliaqarnermi pasinapiluttumik kalerriisup kinaanerata isertuunneqarnissaata qulakkeerneqarnissaanik siunertaqarfiusoq, kinguneqarpoq, pisortat ingerlatsineranni suliassanik suliarinnittarneq pillugu inatsimmi allagaatinik takunnissinnaatitaaneq pillugu kapitali 4, illuatungerisamik tusarniaaneq pillugu kapitali 5 aamma kapitali 6 tunngavilersuineq pasinapiluttumik kalerriisup kinaanera paasissutissallu allat pasinapiluttumik kalerriisup kinaaneranik toqqaannartumik toqqaannangitsumillu paasinniffiusinnaasut pillugit paasissutissanut atuutinngitsut.

Kinaanermik isertuussilluni pasinapiluttumik kalerriisup nalunaaruteqarnerani paasissutissat pissutsit malillugit suliap aallartinneqarneranut tunngaviusinnaapput. Paasissutissat taamaattut akerlianik malittarissatut pingaarnertut annertuumik aalajangiinermi uppersaartit ilaattut tunngaviusinnaanngillat. Oqartussat taamatut pisoqarnerani paasissutissanik suliap suliarineqarneranut atugassanik annertunerusunik pissarisaqartariaqalersinnaapput. Paasissutissani taamaattuni inuk pineqartoq suliassanik suliarinnittarneq pillugu inatsit

malillugu sulii ilaatinneqarsinnaavoq, oqartussallu sulii assanik suliarinnittarneq pillugu inatsisini tunngaviumik malittarisassat nalinginnaasut eqqortittussaassavaat, tassunga ilanngullugu suliami aalajangiinnginnermi naammattunik paasissutissiinissaq

§ 26-mut

Imm. 1-imi siunnersuutigineqarpoq, Naalakkersuisut paasissutissat suliamut attuumassuteqartut tamaasa nalunaarutiniq tiguisussatut nangitseqqiisussatullu toqqarneqartunit, tak. § 11 aamma § 17 naatsorsueqqissaarnerit suliarinerannut atugassatut pissarsiarisinnaassagaat.

Aalajangersakkami siunertaq tassaavoq, Inatsisartut inatsisaat aaqqissuussinerillu piffissami naleqquttumi atuutereerneranni nalilersorneqarnissaannik periarfissiinissaq. Tamanna nunatsinni pissutsinut tunngatillugu inatsimmi sinaakkutinik sammiveqartitseqataalersinnaavoq. Naatsorsueqqissaarnerit ilaatigut suliffeqarfik avataani pasinapiluttoqarneranik kalerriisoqarsinnaatitsinermik qaqugukkut pilersitsisussaananeranut killigitat eqqortumik aalajangerneqarsimanersut aamma suliffimmi aaqqissuussinerit taakkulu sulii assanik pasinapiluttumik kalerriinermi suliaqarfiusinnaassuseqarneranik isumassarsisitsisinnaassapput.

Imm. 2-mi siunnersuutigineqarpoq Naalakkersuisut paasissutissat suut avataani suliffimmilu pasinapiluttoqarneranik kalerriisoqarsinnaatitsinermit aaqqissuussinerit pissarsiarineqarusunnarsut aalajangersaassasut. Tassunga ilanngullugit cpr.nr. il.il. nalunaarutigineqartut pillugit paasissutissanik nalunaaruteqartullu suuneri pillugit paasissutissanik qinnuiginnittoqarsinnaavoq

§ 27-mut

Imm. 1-imi siunnersuutigineqarpoq suliffimmi avataanilu aaqqissuussinerit piffissaliussanik eqqortitsinnigippata Naalakkersuisut Siulittaasuannut maalaaruteqartoqarsinnaassasoq, tamatumani Siulittaasoq naammagittaalliorneq pillugu aalajangiisinnalluni.

Aalajangersakkatut siunnersuutigineqarpoq Naalakkersuisut Siulittaasuat §§ 12 aamma 18-ip ataanni naammagittaalliornermit kina akisussaansoq pillugu aalajangiinissamut akisussaavoq. Pasinapiluttumik kalerriisunik illersuineq pillugu Danmarkimi inatsimmi nr. 1436 29. juni 2021-meersumi Inatsisunik Atortitsinermit Ministereqarfik suliaasaqarfinni akisussaavoq. Tamanna tunngavilersorneqarpoq pasinapiluttoqarneranik kalerriisoqarsinnaatitsinerit inatsisilerinermi ilaatigut politii, isertortumik paasiniaasartuni unnerluussisussaataasuni suliarineqartarneqarnikuunerat. Tassunga ilanngunneqassaaq immikkoortoq aalajangersakkanut tunngatillugu pinerluttulerineq pillugu inatsimmut

tunngatillugu pineqaatissiisarneq aamma akiniummik pillaaateqarnermi taarsiissuteqartarneq pillugit aalajangersakkanut attuumassuteqartoq.

Suliffeqarfiit suliffimmi pasinapiluttoqarneranik kalerriisoqarsinnaatitsinermit piuumassutsiminnik pilersitsisut, Inatsisartut inatsisaanni aalajangersakkanik aamma eqqortitsisussaataapput ilaatigullu piffissaliussat eqqortissallugit. Suliffeqarfiit avataani pasinapiluttoqarneranik kalerriisoqarsinnaatitsinermit aamma Inatsisartut inatsisaanni aalajangersakkanik eqqortitsisussaataapput.

Suliffimmi avataaniluunniit pasinapiluttoqarneranik kalerriisoqarsinnaatitsineq pillugu maalaarut Naalackersuisumut suliassaqarfimmik akisussaasumut allaganngorlugu nassiunneqassaaq. Maalaarut paasissutissanik Naalackersuisup suliassaqarfimmik akisussaasup maalaarummi suliffeqarfiup suuneranik paasinissaanut naammattunik imaqaassaaq. Pasinapiluttumik kalerriisup kinaanera isertuutiinnarniarlugu, qaqugukkut nalunaaruteqartoqarneranik paasissutissanik pasinapiluttumik kalerriisartoq ilisimatitsissaaq, taamaalillunilu suliffeqarfiup suunera paasineqarsinnaaniassammat piffissarititallu naatsorsorneqarsinnaaniassammata.

Imm. 2-mi siunnersuutigineqarpoq pasinapiluttoqarneranik kalerriisoqarsinnaatitsinermit §12-imi imaluunniit § 18-imi piffissarititat qaangerneqarpata, pasinapiluttumik kalerriisartoq Naalackersuisumut suliassaqarfimmik akisussaasumut maalaaruteqarsinnaasoq. Naalackersuisoq suliassaqarfimmik akisussaasoq isumaqarpat qaangiineq suliap suunerani imarisaanilu tunngavilersorneqanngitsoq, Naalackersuisup suliassaqarfimmik akisussaasup suliap sularineqarnerata naammassinissaanut suleqatit pingajunnik allamik toqqaasinnaavoq. Suliffeqarfiup suleqatit pingajuannut sumulluunniit attuumassuteqanngitsumut Naalackersuisup suliassaqarfimmik akisussaasup toqqagaanut aningaasartuutit tamaasa akilissavai. Sulisitsisoq akiliisinnaajunnaarpat allanilluunniit pissuteqarluni akiliisinnaanngippat, tassunga aningaasartuutit Nunatta Karsiata akilissavai.

Sulisitsisoq imaluunniit suleqatit pingajuat sumulluunniit attuumassuteqanngitsoq sulisitsisup toqqagaa paasissutissanik tigusaminnik, misissuinerminnilu uppersaartit paasisaagallartullu suleqatit pingajuannut sumulluunniit attuumassuteqanngitsumut Naalackersuisup suliassaqarfimmik akisussaasup toqqagaanut tunniunneqassallutik.

Naalackersuisup suliassaqarfimmik akisussaasup toqqaanerani Inatsisartut inatsisaanni aalajangersakkani suliamut attuumassuteqartuni piffissaliussat aallarteqqinneqassapput.

§ 28-mut

Imm. 1-imi siunnersuutigineqarpoq, pasinapiluttumik kalerriisartoq imaluunniit inuk aamma inatsisit tunngavigalugit inuttut isigineqartoq § 8, imm. 1 ilaatinneqartoq, nalunaaruteqarnerup kinguneranik pillaatitut akiniarneqartoq imaluunniit nalunaaruteqarnissamut akornuserneqartoq akornuserniarneqartorluunniit taarsiivigineqarnissamik piumasqaateqarsinnaasoq.

Aalajangersakkami siunertaavoq pasinapiluttumik kalerriisup imaluunniit inuup inatsisilluunniit tunngavigalugit inuttut atassuteqartup pasinapiluttumik kalerriisartumut atassuteqartup § 8, imm. 2-mi annertusisamik inunnut ilaatinneqartoq, pineqartoq nalunaaruteqarnerup kinguneranik pillaatitut akiniarneqarpat aningaasatiguunngitsoq ajoquserneqarnerminut taarsiivigineqarnissaata qulakkeernissaa.

Aningaasatiguunngitsoq ajoquserneqartumut taarsiivigineqarsinnaanermi pillaaammik akiniaanissamut inerteqquteqarnermik unioqqutitsinerit tamarmik ilaapput.

Taarsiinerup annertussusissaa pillugu aalajangersagaliortoqarnissaa siunnersuutigineqanngilaq, tassa tamanna suliani ataasiakkani pissusivinnik tamakkiisumik nalilersuineq aallaavigalugu aalajangerneqartariaqarmat. Pingaartumik ajoqusiisup iliuusaata ajoqutillu sunneri inummut inatsisilluunniit tunngavigalugit inuttut isigineqartumut ajoqusiinertut ilimagineqartariaqartut taarsiissutissamik annertussusiliinermi pingaartinneqassapput. Tassunga atatillugu ilaatigut inuup inatsisilluunniit tunngavigalugit inuttut isigineqartup pillaaammik akiniarneqarani pissutsit sukumiinerusut pingaartinneqarsinnaapput. Kisianni Kalaallit Nunaanni suliffeqarnermi najukkamilu suliffeqarnermilu killeqartumi pissutsit aamma pasinapiluttumik kalerriisup nalunaaruteqarnerata kingunissaasa immikkut pingaartinneqarnissaat pingaaruteqarpoq. Kisianni pasinapiluttumik kalerriisup immikkoortumi immikkut killeqartumi sulinera taamaalillunilu nalunaaruteqarneq assigisaaluunniit saqqummerpat ajornerusumik ajutoorfeqariaannaanera aamma mianerineqassapput.

Aningaasaanngitsunik ajoqusernermut taarsiivigineqarnerup saniatigut tamassumunnga piumasqaatit eqqortinneqarpata Kalallit Nunaanni inatsisini taarsiinermut malittarisassat nalinginnaasut malillugit taarsiiffigineqarnissamik piumasqaateqartoqarsinnaavoq.

Imm. 2-mi siunnersuutigineqarpoq, sulisoq Inatsisartut inatsiaanni aalajangersakkamut akerliusumik soraarsinneqarpat, soraarsitsineq atorunnaarsinneqassaaq, sulisullu atorfeqaannarnissaq atorfineqqinnissarluunniit kissaatigippagu. Tamannali immikkut pisuni aamma illuatungeriit soqutigisaannik nalilersuinerup kingorna atorfeqaannarnissap atorfineqqinnissalluunniit piumasarinissaa naleqqutinngitsuusorinarpat atuutinngilaq.

Aalajangersagaq kinguneqarpoq, sulisoq pisortani namminersortuniluunniit atorfeqarnera apeqquataatinnagu, sulisup pineqartup atorfeqaannassanerluni, atorfineqqissanissani kissaatigissanerlugu pineqartumilluunniit Inatsisartut inatsisaat unioqqutillugu soraarsitsisoqarsimanera eqqartuussinikkut aalajangerneqarpat, taarsiullugu taarsivigineqarnissamik kissaateqassanerlu sulisup nammineq aalajangissagaa.

Imm. 3-mi siunnersuutigineqarpoq pasinapiluttumik kalerriisartuq unioqqutitsinerit, tak. § 7, imm. 2, pillugit uppersaatinik pissarsinerup imaluunniit paasissutissanut uppersaatissanik pissarsiniarnerup kinguneranik pillaatitut akiniarneqartoq taarsiivigineqarnissamik piunasaqaateqarsinnaasoq. Taarsiissutip annertussusia Kalaallit Nunaanni suliffeqarnermi atugassaritineqartut mianeralugit aalajangerneqassaaq.

Aalajangersakkami imm. 1-imi taarsiissuteqarneq pillugu aalajangersagaq imatut annertusineqarpoq, akunnermiliuttut, suleqatit pingajui suliffeqarfiillu pasinapiluttumik kalerriisartumut atassuteqartut aamma ilanngunneqarlutik.

§ 29-mut

Imm. 1-imi siunnersuutigineqarpoq pasinapiluttumik kalerriisup inatsit manna malillugu nalunaaruteqarnermi tamanulluunniit saqqummiussinermi ajoqutissarsisimalluni uppersarsarpagu illuatungerisap ajoquteqalerneq nalunaaruteqarnerup kinguneranik pillaammik akiniutaanngitsoq uppersarsassagaa.

Aalajangersagassatut siunnersuutigineqartoq pillaammik akiniuteqarnissamut inerteqquteqarneq pillugu siunnersuummi § 8, imm. 1-imut atatillugu isigineqassaaq. Aalajangersagassatut siunnersuutigineqartoq aamma pillaammik akiniuteqarnissamut inerteqquteqarnermik unioqqutsitsisoqartillugu taarsiivigineqarsinnaatitaaneq pillugu siunnersuummi § 28-mut atatillugu isigineqassaaq.

Pasinapiluttumik kalerriisup, Inatsisartut inatsisaat naapertorlugu unioqqutitsinermik nalunaaruteqarluni avammulluunniit saqqummiilluniluunniit tamassumalu kinguneranik ajoquserneqarluni uppersarsarpagu, illuatungerisap, tassa sulisitsisoq il.il. pasinapiluttumik kalerriisumik ajoqusiisoq uppersarsaasunngussaaq. Illuatungerisap taamaalilluni nalunaarut avammulluunniit saqqummiinerup ajoqusiinermut atassuteqangitsoq uppersarsassavaa.

Nalunaaruteqarnerup pasinapiluttumik kalerriisumullu ajoqusiinerupimminnut atanninnerannik uppersarsaasunngussaaq tunngatillugu illuatungerisap immikkut uppersarsaasussaataavoq.

Tamanna pillugu pillaammik akiniuteqarneq pillugu § 8-mut nassuiaatit takukkit.

Imm. 2-mi siunnersuutigineqarpoq, imm. 1 taamatutaaq inunnt § 8, imm. 2-mi ilaatinneqartunut suliamut attuumassuteqartillugu atuutissasoq.

Aalajangersagaq kinguneqarpoq inuit siunnersuummi § 8, imm. 2-mi ilaatinneqartut imm. 1-imi siunnersuutigineqartutut immikkut uppersaasussaataaneq pillugu malittarisassamut ilaatinneqartut.

§ 30-mut

Imm. 1, nr. 1-imi siunnersuutigineqarpoq § 24-mik piaaraluni mianersuaalliorujussuarluniluunniit unioqutitsisoq Kalaallit Nunaanni pinerluttulerinermut inatsit malillugu pineqaatissinneqassasoq.

Tamassuma kinguneraa inuit § 25 malillugu nalunaarutinik tigusaqartut suliaqartullu aamma ingerlatitseqqinnermut paasissutissanik paasisaqartut § 24-mut, piaaralutik mianersuaalliorujussuarlutilluunniit § 25 malillugu nipangiussimasussaataanermik sumiginnaasut akiliisitsinikkut pineqaatissinneqarsinnaasut.

Imm. 1, nr. 2-mi siunnersuutigineqarpoq, piaaraluni paasissutissanik eqqunngitsunik nalunaarutiginnittoq tamanulluunniit saqqummiisoq Kalaallit Nunaanni pinerluttulerinermut inatsit malillugu pineqaatissinneqassasoq.

Paasissutissanik eqqunngitsunik nalunaaruteqarnerrup avammulluunniit saqqummiinerup “piaaraluni pisimanissaanik” piunasaqaat isumaqarpoq, nalunaarutip avammulluunniit saqqummiinerp paasissutissanik eqqunngitsunik imaqarnera pineqartup ersarissumik ilisimassagaa. Nalunaarut pasinapiluttunik nalunaaruteqarsinnaatitaaviup tiguppagu unioqutitsisoqarpiarsimassaaq.

Siunnersuutigineqarpoq unioqutitsinerup imarisaa naammassisimassasoq, nalunaarutit aqqissuussinermi tiguneqarpata. Inerteqquteqarnertut siunnersuutigineqartumi siunertaq tassaavoq, ajorniarluni nalunaaruteqarnissap pinngitsoortinnissaa pasinapiluttumik kalleriisunillu illersueriaatsip uppersaasuseqaannarnissaa. Aamma oqaatigineqassaaq, paasissutissanik eqqunngitsunik piaaraluni nalunaaruteqarneq tamanulluunniit saqqummiineq immikkut inatsisini aalajangersarneqartumik nipangiussimasussaataanermik unioqutitsineq pineqarpat pissutsit malillugit akisussaatinneqarsinnaasoq.

Imm. 2-mi siunnersuutigineqarpoq, sulisitsisoq, tak. §§ 9 imaluunniit 15, sulisitsisup kapitalit 3 aamma 4 malillugit pisussaaffimminik eqqortitsinngitsoq Kalaallit Nunaannut pinerluttulerineq pillugu inatsit malillugu pineqaatissinneqarsinnaasoq.

Pineqaatissiineq pillugu aalajangersagassatut siunnersuutigineqartoq § 15-imi uppenarsaasiortussaataitaanertut siunnersuutigineqartumut atatillugu isigineqassasoq, tassani pingaartumik Inatsisartut inatsisaanni kapitalit 3-mi aamma 4-mi malittarisassat eqqortinneqannginnerannik ilimagisaqarnermi misissuisinnaanermut tunngavissiiinissaq siunertaalluni. Tassunga atatillugu oqaatigineqassaaq, § 14-itut siunnersuutigineqartumi uppenarsaasussaataitaanerup eqqortinneqannginnera nammineq akiliisitsinikkut pineqaatississutaasinnaasoq.

Imm. 3-mi siunnersuutigineqarpoq, ingerlatseqatigiiffiit il.il. (inatsisit malillugit inuttut isigineqartut) pinerluttulerineq pillugu inatsimmi kapitali 5 malillugu pinerlussimasutut akisussaatinneqarsinnaassasut.

Imm. 4-mi siunnersuutigineqarpoq pillaammik akiliut arsaarinninnerluunniit, § 29, imm. 1-3 aalajangerneqartoq Nunap Karsianut akilerneqassasoq.

§ 31-mut

Imm. 1-imi siunnersuutigineqarpoq inatsit ulloq 1. juli 2024 atuutilersinneqassasoq.

Tamassuma kinguneraa avataani pasinapiluttoqarneranik kalerriisoqarsinnaatitsineq ulloq 1. juli 2024 atuutilissasoq, takujulli imm. 3-tut siunnersuutigineqartoq. Oqaatigineqassaaq pissutsit inatsisip atuutilinnginnera sioqqullugu pisut pillugit nalunaaruteqartoqarsinnaassasoq, nalunaarutillu taamaattut inatsisip atuuffiata iluaniippata itigartinneqarsinnaanngitsut, tak. imm. 2.

Imm. 3-mi siunnersuutigineqarpoq, kapitali 4 sulisitsisunut namminersortunut 100-t tikillugit sulisulinnut 1. januar 2025 atuutilissasoq.

Tamanna pillugu namminersorluni inuussutissarsiateqarnermut pisortanullu kikkut ilaanerat pillugu § 9-mut oqaaseqaatit takukkit.

Tusarniaaneq pillugu allakkiaq

Tusarniaanermut atatillugu tusarniaaffiit tulliuttut siunnersuummut oqaatigisassaqaarnatik tusarniaanermut akissuteqarput:

Aalisarnermut Piniarnermullu Naalackersuisoqarfik
SISA Pension
Kalaallit Airports Holdning A/S
Naalackersuisut Siulittaasuata Naalackersuisoqarfia
Kommunqarfik Sermersooq
Ilisimatusarfik
Rigspolitiet
INI
ASG
Meeqqanut, Inuusuttunut Ilaqutariinnullu Naalackersuisoqarfik

Tusarniaanermut akissutit nalinginnaasutut allanneqarput, oqaatigisallu *uingasunngorlugit* allanneqarlutik.

Nunanut allanut, Inuussutissarsiornermut Niuernermullu Naalackersuisoqarfik

§ 30, imm. 3-mi ima allassimasoqarpoq: " Ingerlatseqatigiiffiit il.il. (inatsisit malillugit inuttut isigineqartut) pinerluttulerineq pillugu inatsimmi kapitali 5 malillugu pillarneqartussatut akisussaatinneqassapput. "pillarneqarluni akisussaatinneqarneq" "pinerluuteqarsimanermik akisussaatinneqarnermik" taarserneqarpat eqqornerusaaq.

Allannguutit inatsisissatut siunnersuummut nassuiaatitaanullu ilanngunneqarput.

Namminersorlutik inuussutissarsiortut ilaat inatsisissamik kalluarneqartussat naammattumik paasitinneqarnissaat qulakkeerniarlugu pisariaqartut suliniutigineqarnissaat kaammattuutigineqarpoq.

Siunnersuut ilanngunneqarpoq. Immikkoortoq 3-mi inatsisip akuerineqarnerani paasititsiniaanissamat aningaasanik immikkoortitsisoqarpoq.

Sulisitsisut

”Unioqquitsinerit inatsisissatut siunnersuummi allassimasut ullumikkut ajornaatsumik sukkasuumillu pisaammata, taamatut unioqquitsinerit assinganik ajornaatsumik sukkasuumillu iliuuseqartoqarnissaa pisariaqarmat, Sulisitsisut aallaqqaasiullugu oqaatigaat.

Siunnersuutigineqartutulli aaqqissuussinermi, aaqqissuussamik eqqunngitsumik, takuneqajaarsinnaasumillu pisariaqanngitsunik nalunaarsuinerit inatsimmulluunniit ilaanngitsut qulakkeerinniffigineqarnissaat pisariaqarpoq. Taamaaliornermi ilinniakkatigut piginnaaneqarluarnek attuumassuteqanngitsumillu kalerriinernik tiguisarneq tunngavissaatinneqarpoq.

Tusarniaanermut akissut allannguinnissamik pisariaqalersitsinnigilaq. Ilaatigut § 18, imm. 3-mi taamatut oqimaaqatigiissitsineq pilersinniarneqarpoq. Taamattaq pasinapiluttunik kalerriisarnernik avataani aaqqissuussinerit suliffeqarfinnut maalaarutininik suliarinninnernik misilittagaqartuni arlalinni katersornissaat ilimagineqarpoq.

Tusarniaanermut siunnersuutigineqartoq naapertorlugu Naalakkersuisut siunnersuummi § 9, imm. 2, uniffiit aappaat naapertorlugu suliffeqarfiit ataatsimoorussamik aaqqissuussaannik pinngitsoortitsisinnaapput. Tunngavissat taamatut akuliunnissamut tunngavigineqartussat suuneri Sulisitsisut paasiumavaat.

Siunnersuut ilanngunneqarpoq, aalajangersakkallu marluk innersuunneqartut peerneqarput.

§ 3, imm. 7-imi oqaaseq “pissarsineq” pissutsit aaqqissuussinermit ilaasuttut oqaatigineqarsinnaaneranni, pineqartup tungaanit immikkut iliuuseqarnissamik tunngavissaqartitsinersoq paasissutissiissutigineqassasoq Sulisitsisut kissaatigaat.

Tassannga nalornissuteqarneq pinaveersimatinniarlugu oqaaseq “Whistleblower” allanngortinneqarpoq.

Unga tunngatillugu inuit pillugit paasissutissanik suliarinninnissami tunngavissarititaasut – inuit pillugit paasissutissat suunerat apeqqutaatillugu – inuit pillugit paasissutissanisut innersut Sulisitsisut paasissutissiissutigineqarnissaa kissaatigaat? Paasissutissanik akisussaasup paasissutissat tiguneqartut suliarineqarnissaasa naapertuunnerannik naliliisussaanerata, aarlerinaat nassatarisinnaavaa, paasissutissammi suliarineqarnissaannik kissaateqarneq suliami naliliinermik toqqammaveqarsinnaavoq, tassanilu paasissutissanut akisussaasusoq taamatut naliliinissamut naammattumik paasissutissanik pigisaqanngeratarsinnaammat. Taava qanoq pisoq suliarineqassava?

Tusarniaanermut akissut allannguinnissamik pisariaqalersitsinnigilaq. Siunnersuutip § 21 tassungalu nassuiaatit tamanna isummerfigivaat, paasissutissami taamaallaat pasinapiluttoqarneranik nalunaarutiginninnermik aaqqissuussineq naapertorlugu suliarineqarsinnaanerit innersuussutigineqarmat, kiisalu paasissutissanut akisussaasusooq paasissutissanik tiguneqartunik suliarinninnissamut pisariaqartitsinersooq naliliisussaammat. Taamattaaq § 24 pasinapiluttoqarneranik kalerriinermi sulianik suliarinninnermut aatillugu nipangersimasussaataitaanermik imaqarpoq. Nipangersimasussaataitaaneq taanna piffissami killeqanngitsumi atuuppoq.

IMAK

Avataani pasinapiluttoqarneranik kalerriisarnermik aaqqissuussinermik pilersitsinissamut minnerpaamik sulisut 30-ussasut § 16-imi allassimavoq. Avataani pasinapiluttoqarneranik pasinalitooqarneranik nalunaaruteqarsinnaataitaanermik pilersitsinissami sulisut amerlassusaat 15-init 20-nilluunniit amerlassusilerneqartariaqartoq IMAK isumaqarpoq. Pisortat suliffeqarfii tamarmik taamatut periarfissaqartariaqartut IMAK isumaqarpoq.

Suliffeqarfinnut namminersortunut sulisunut 30-nut killiliineq suliffeqarfii, taamaalillunilu sulisartut sapinngisamik amerlanerpaat aaqqissuussinnermut ilaatinneqarnissaannik, kiisalu avataani pasinapiluttoqarneranik kalerriisarnermik aaqqissuussinermik pilersitsinissamut passussinermullu sulisitsisut aningaasatigut nammakkerneqarneranni oqimaaqatigiissitsiumaneq eqqarsaatigineqarpoq.

§ 15, imm. 2-mi Naalakkersuisut sulisut amerlassusaannik piumasaaqammik appaasinnaanermik periarfissaqarput. Taamaaliornikkut misilittagaalerumaartut tunngavigalugit killiliinerup appartissinnaanera periarfissinneqarpoq.

Pisortat suliffeqarfii tamarmik aaqqissuussinermik pilersitsissapput, aamma 30-t inorlugit sulisoqaralarunilluunniit.

Ineqarnermut Attaveqarnermullu Naalakkersuisoqarfik

§ 3, imm. 7-imi “pissutsilluunniit allat” ilanngunneqarsinnaanerpa?

Siunnersuut ilanngunneqarpoq.

Transparency International Greenland (TIG)

TIG siunertaq pillugu pasinapiluttunillu kalerriisarnermik aaqqissuussinerup tatiginarluarnissaanut arlalinnik saqqummiussivoq.

Pasinapiluttoqarneranik aaqqissuussinermit pitsaasumik sinaakkutinut Naalakkersuisut isumaqataapput, aaqqiissutissatullu saqqummiunneqartup soqutigisanik assigiinngitsunik oqimaaqatigiissitsisoq isumaqarlutik.

Piffissap ingerlareernerani inatsit siunertarineqartutut sunniuteqarneris pillugu naliliisoqassasoq TIG-p kaammattuutigaa.

Inatsisit allat assigalugit inatsisip ilusiligaanera atuunneralu pillugit naliliisoqartariaqartoq Naalakkersuisut isumaqatigaat, tak. aamma siunnersuummi § 26.

§ 19 pasinapiluttunik kalerriisarneq pillugu ilinniagaqarnissamik, paasissutissaannaanngitsunik, piunasaqartoqalersillugu annertusineqartariaqartoq TIG isumaqarpoq.

Siunnersuut ilanngunneqarpoq.

Taamma illup iluani aaqqissuussinernik sulianik suliarinnittut, inatsimmi illersuinermit ilaatinneqarnissaat TIG-p siunnersuutigaa.

Pineqartut siunnersuut malillugu illersugaanermut ilaapput, tak. § 28, imm. 1, § 8, imm. 2-mut innersuussisoq, tassani “akunnermiliuttut” taaneqarput.

Ulloq 1. Januar aallarnerfigalugu, 1. Januar 2025-miinngitsoq suliffeqarfiit tamarnik ilaatinneqalernissaat TIG-p ornigaa.

Oqaatigisat allannguinnissamik pissutissaqalersitsinngillat, inatsimmi siusinnerpaamik 2023-mi ukiakkut ataatsimiinnermi akuersissutigineqarsinnaavoq, taamaammallu suliffeqarfiit malittarisassanik nutaanik piareersarnissamut naammattumik piffissaqassanngillat.

§ 1, imm. 1-imi “inatsisinik mianernartunillu allanik unioqqutitsinerit pillugit nalunaaruteqarnernut atuuppoq” siunertarineqartut TIG-p iluarisimaarpai. Isumarput malillugu killiliineq pisumut aalajangersimasumut tutsikkuminaatsoq matumani pineqarpoq, tamannalu pasinapiluttumik kalerriuteqarsinnaasut (taassumaluunniit siunnersortaata) inatsit

malillugu illersugaasoqarsinnaanerani inatsisitigut inissisimaneq siumut takorlooruminaatsissinnaavaa.

Pasinapiluttumik kalerriisoq inatsisit malillugit illersugaalersinnaanermi “kalerriinerup, paasissutissallu inatsisip atuuffianiinnerat” ilimagineqarsinnaasariaqarnerata piunasaqaataanera peerneqassasoq TIG-p siunnersuutigaa, tak. § 6 oqaasertat aappaat, naliliinermi taanna sulisumut “nalinginnaasumut” pitsaasumik nalilissallugu ajornakusoortorujussuusinnaammat. § 6 oqaasertat kingulliit sumik siunertaqarnerisut TIG-p takujuminaatsippaa.

Oqaatigineqartut allannguissamut pissutissaqalersitsinngillat. § 1, imm. 1-imut tunngatillugu inatsisip siamasissumik atuuffeqarnissaa pingaartinneqarpoq. § 6-imut nassuiaatini pasinapiluttumik kalerriuteqartup ajunngitsumik siunertaqarnera innersuunneqarpoq. Sulisoq “nalinginnaasoq” taamaalilluni nalunaarutigineqartut inatsisip atuuffianiinnerannik naliliisariaqanngilaq. Pasinapiluttumik nalunaarutiginnittoq ajunngitsumik siunertaqartillugu, pineqartoq inatsit malillugu illersugaassaaq.

Pasinapiluttumik kalerriisarnermik aaqqissuussinerup assortoruminaatsuunera sulisunik taakkuninnga suliaqartut illersorneqarneratigut qularnaarneqartariaqartoq TIG isumaqarpoq.

Tusarniaanermut akissut allannguissamut pissutissaqalersitsinngilaq, siunnersuummimmi § 28, imm. 1, § 8, imm. 2 naapertorlugu pineqartut aaqqissuussanut inunnulluunniit allanut, imaluunniit suliffeqarfinnut avataani aaqqissuussanut akunnermiliuttuunerat apeqqaatinnagu naammattumik illersugaanerat qulakkeerneqartutut isigineqarpoq.

Suiffeqarfiit minnerusut arlallit inatsimmi ilaatinneqanngillat. Tamanna ajornartorsiornarpoq.

Oqaatigineqartut allannguissamut pissutissaqalersitsinngillat. Sulisunik 30-nik killiliineq suliffeqarfiit minnerit sulisullu inatsimmik illersorneqartut amerlassusiisa aningaasartuutitut sanilliullugu oqimaaqatigiissinniarlugit aalajangerneqarpoq. Naalakkersuisut aaqqissuussinernik ingerlaavartumik nalilersuimapput, pisariaqartitsinerlu naapertorlugu aamma sulisitsisut namminersortut 30-nit ikinnerusunik sulisullit avataani pasinapiluttoqarnerani kalerriisarnermik aaqqissuussinernik pilersitsinissaannik malittarisassiortoqassaaq.

Sulisut oqaaseqarsinnaanermut pisinnaatitaanerani inatsisikkut ugguuna killilersorneqarnani nukittorsarneqassasoq erseqqissarneqassasoq TIG-p kaammattuutigaa.

Oqaatigineqartut allannguissamut pissutissaqalersitsinngillat.

Naggasiullugu pasinapiluttoqarneranik kalerriisarnermik aaqqissuussinerit pilersinneqarnerannut, aaqqissuussinerullu siamasissumik ilitersuutigineqarnissaanut aningaasanik annertuunik illikartitsisoqartariaqartoq TIG erseqqissaavoq.

Siunnersuummi immikkoortoq 3, aningaasatigut kinguneqaatit, inatsimmik pasinapiluttoqarneranillu kalerriisarnermik aaqqissuussamut paasititsiniaanissamut aningaasanik immikkoortitsisoqarnissaa allanneqarpoq.

Transparency International Greenland tamatuma saniatigut siunnersuummi aalajangersakkanut ataasiakkaanut arlalinnik oqaatigisassaqarpoq.

Taakku naapertuuffii malillugit ilanngunneqarput.

Digitalinngorsaanermik Aqutsisoqarfik

§ 3, nr. 7 “pissarsisimasoq” “periarfissaqarsimasoq”-mut allanngortinneqassasoq kaammattuutigineqarpoq.

§ 3, nr. 7 oqaasertalerneqarnera allanngortinneqarpoq, kingornalu aallaavittut pasinapiluttoqarneranik kalerriisoq sulianut tunngasunik suliaqarnermut atatillugu paasissutissanik pissarsisimanagera maanna aallaaviulerpoq.

§ 5, imm. 2-mi inuit IT-mi nalunaarsorsimasumi tigussaasumilluunniit nalunaarsuiffimmi inuit pillugit paasissutissanik tamanut saqqummiussinermit isummerneq maqaasineqarpoq. Paasissutissanik katersivimmi inuit nalunaarsorsimasut pillugit paasissutissanik tamanut saqqummiussineq “inuup aalajangersimasup inuuneranut isumannaatsuuneranillu navialisitsinermit” aallaanerusumik kinguneqarsinnaavoq. Aamma tutsuiginassutsimikkut, nammineq inuuneqarnissamikkut ilaqutariittullu inuuneqarnissamikkut, kiffaangissuseqarnermik pisinnaatitaaffimmikkut aningaasaqarnikkulluunniit akornuserneqarsinnaapput.

§ 5 malillugu illersuinissamut siunertaq inunnut allanut pasinapiluttoqarneranik kalerriutiginnittup tamanut saqqummiussinerata kinguneranut akornusersinnaasunut kalerriisup pineqaatissinneqarsinnaanermut illersorneqarnissaanik kinguneqartariaqaangilaq.

Tusarniaanermut akissut allannguissamut pissutissaqalersitsinngilaq. Paasissutissat naapertuutinngitsut, inatsisinillu unioqqutitsinerusinnaasut siaruarnissaat soorunami

pinaveersimatinniarneqassasooq Naalakkersuisut isumaqatigaat. § 5-mili aalajangersagaq ataasiakkaat tamallu isiginiarneqarneranni oqimaaqatigiissarneqarpoq. § 5 malillugu illersorneqarsinnaalernissami pasinapiluttoqarneranik kalerriisooq, pasinapiluttoqarneranik kalerriinermut aaqqissuussamut nalunaaruteqarsimassaaq. Taamattaaq § 5, imm. 2-mi normut pingasut ilaat ataaseq naammassineqarsimassaaq. Tamatuma saniatigut eqqartuussiviit tamanut saqqummiunneqartut tamanut saqqummiinermi siunertarineqartumut naapertuunnerannik nalilersuinissaat ilimagineqartariaqarpoq. Pasinapiluttoqarneranik kalerriisup akisussaatinneqassanngippat, inuit ataasiakkaat inuunerannut paasissutissat qaninneruleriartortillugit, paasissutissat tamanut pingaarutaat annertunerusariaqarpoq.